

पुर्खा दयक तकगु सम्पत्ति, भीगु कला व संस्कृति
पिकाक-भक्तपुर नगरपालिका



नेपाल संवत् १९४२ सिल्लाथ्व / २०७८ फागुन १५ / 2022 Feb. / ल्या: ५४, दाँ:४



वागमती प्रदेशया मुख्य मन्त्री राजेन्द्रप्रसाद पाण्डे
स्वप नगरपालिकाय

ख्वप नगरपालिकाया हिँछकगू नगरसभा क्वचाल
२०७८ फागुन १० गते)



हिँछकगू नगर समासं नगर सभासद जु पुं



देशघाती एमसीसीया विरोधय् संसद भवन हःनयँ नेमकिपां यागु जुलुस
२०७८ फागुन १३ गते)



स्वीस्वकगु सहिद दिवसया ज्या इवः

२०७८ फागुन ८ गते)



स्वप अस्पताल निरीक्षणय् का. रोहित जु

(२०७८ फागुन १ गते)



ब्यासी २ वडाया छ्वासः फल्वा उलेज्या यासे नगर प्रमुख जु

(२०७८ फागुन ७ गते)



; DkfbSlo

@)* kifug !%, c^a\$ *) , jifk\$

एम सी सी मथां खारेज यो

अपलं विवाद जुयो च्वंगु एमसीसी (मिलेनियम च्यालेंज कम्पाक्ट) प्रतिनिधिसभासं छलफलया लागिं सभामुख अग्नी प्रसाद सापकोटां प्रस्तुत यात । एमसीसीया खायँ सत्ता गठबन्धनया दलत छख्य स्वय मफयो फःफः स्वयो च्वन । सरकारया न्हयलुवा जुयो च्वंगु नेपाली कांग्रेस न्हयाथेयाड जूसां पारित याड हे त्वः तयगु पक्षख्य दःसा साभेदार दलत माओवादी एकीकृत समाजवादी व राजमो विपदख्य मत वियगु क्वछिय धुंगुलिं एमसीसीयाड सत्ताया गाथी ब्यनिगु अवस्थाय् थ्यंगु दः । एमसीसी प्रस्ताव पारित मजुडगु खानय् दः सेलीं प्रधान मन्त्रीया निर्देशनयँ फागुन १२ गतेया प्रतिनिधि सभा बैठक मयासीं दिक् याकल । एमसीसी थ्व गाथि चिड च्वंगु सरकारता ल्हवयला घुतिनयला जुयो च्वंगु दः ।

शासक दलया नेतातयगु ख्वः पा पुयो नेखेरं क्वचा जुयो च्वंगुलिं नं एमसीसी समस्या जुयो च्वंगु खः । नेतातयगु खाँ छख्य कार्यकर्तातयगु खाँ मेदख्य लाड च्वंगुलिं नं थौ या अवस्था वगु खः । माओवादी नेता प्रचण्ड कार्यकर्तातय दथ्वी एमसीसी राष्ट्रघाट जूगुलिं सडकय् वाडजूलस याय्मः धाडगु नेख्य च्वामुम्हा जुयो पिब्वयो च्वना । एकीकृत समाजवादी विपक्ष मत ब्यसां सरकार त्वः मतयगु थजगु खाँ ल्हाडः राजनैतिक अनैतिकता पिब्वयो वयो च्वंगु दः । दुनंदुनं समर्थन याडः पिनयँ कार्यकर्तात थाडः ह्यगुया छुं हे अर्थ मरु । एमसीसी राष्ट्रघाती हे खः धः म्हा माओवादी व एकीकृत समाजवादीं तुरुन्त सरकार त्वः त एमसीसी पास मयाकेता ग्वाहाली याय मःगु जनताया माग खः ।

न्हियां न्हिं धाय्थे संसद भवनया हःन्य वानेश्वरे एमसीसी या विरुद्धे जुलुस व सभा जुयो च्वंगु दः । नेपाल मजदुर किसान पार्टी एमसीसी छु खः धाय्गु खाँ जनताता ध्वाथुडक कानय्गु मतिं प्रतिनिधि सभाया बैठक जुडगु दिनय् कोटेश्वरं जुलुशयाड वानेश्वरे जनसभायाडः वयो च्वंगु दः । जुलुस व सभासं न्हिया न्हिथं मनूत अप्वः वयो समर्थन याडः च्वंगु दः । लायँ वैपुं नपां जुलुसय् दुतिडः एमसीसीया विरुद्धय नारा बियो वगु दः । जनताता बाह्रा तः थें तयो पारित याकेगु स्वयो छुं नं विषयया बांलागु व बांमलागु पक्षया खाँ काड हज्याय्गु बांला जुई , एमसीसीख्य राष्ट्रघातया बारे जनतां थुयो वयानिं अः दे डांकः विरोधया सः थ्वयो च्वंगु दः । न्हपानिसें नेमकिपां जक सडक आन्दोलन याडः वगुलि अः माओवादी, एकीकृत समाजवादी, राजमो, राप्रपातय्सं नं विरोध याडः हःगु दः । व बांलागु हे खाँ खः । देता भिं मयाडगु एमसीसी खारेज मयातलय् म दिक्क आन्दोलन मयासिं मगा ।

एमसीसी सम्भौतां नेपः देता डादाया दुनयँ मुक्कं ५० करोड डलर (५५ अरब तका दां) बिडगु खः । वनं अनुदान मखुसैं अमेरिकी लगानी दक तः क हे अमेरिकी उच्च पदाधिकारी तयसं धाय् धुंकागु हे खः । व धेबा कः सा भ्नीगु संविधान व कानुन नपां ल्वाःसा एमसीसीया प्रावधान लागु जुडगु (दफा ७.१) एमसीसीया न्वकु प्यासिफिक, यूरोप, एशिया व ल्याटिन अमेरिकाया अतिरिक्त प्रतिनिधि जुडगु (दफा ४.८) नेपःया हानी नोक्सानी व मनूसीत धःसा अमेरिकी तयता छुं दोष मवानिगु, (दफा ६.८) नेपः या योजना न्ह्याकयता भारतं ज्यू धाय्के मःगु थजगु प्रावधान नेपालं ज्यू धायो स्वीकार याय्मःगु खाँ च्वयो तःगु दः । थजगु देश व जनताता भिं मयाडगु खाँत (बुँदा) दःगु एमसीसी पारित यात धःसा देया सार्वभौमिकता अमेरिकां न्ह्यो छ्वडगुलिं नेपःमिपिसं विरोध याडः च्वंगु खः ।

एमसीसीया धेबा हिन्द प्रशान्त सैन्य रणनीति (आइपिएस) याय्गु खः धाय्गु यक्व यक्व दसुं (दस्तावेजं) प्रमाणित याय् धुंगुलिं व धेबा काय्गुया अर्थ नेपः या परराष्ट्रनीतिया अखः जुई । अथे जूगुलिं अः समाज-देशघाती व देशभक्त याडः नेगू पक्षख्य वयो च्वंगुलिं एमसीसीया पक्ष काडपुं देशघाती व विरोध याडपुं देशभक्त ख्य ला । एमसीसी खारेज मजुतलय् देशभक्त नेपः मि पिसं देडांक आन्दोलन न्ह्याकतुं च्वनय् मः ।

पिकाक-ख्वप नगरपालिका/सम्पादक-आशाकुमार चिकंबञ्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६१३०४३, ई-मेल- khwopapau@gmail.com



चयगूगु स्वप पौ, बःखि पौ(पाक्षिक)



का.रोहितया न्हापांगु कोरिया भ्रमण

नारायणमान बिजूवर्षे

२०१८ आश्विन १०

कोरियाली मजदुर पार्टी सःतगु प्योङ्गयाङ्गय् ग्वसःग्वगु कोरिया छगुंतुं (पुनःएकीकरण) याय्या नितिं अन्तर्राष्ट्रिय शान्ति पदयात्रा सं बवतिकाय्ता जि (का.रोहित) न्हिनय्सिया १२:०० ता इलय् हे एअरपोर्टया हवाइअड्डाय् थ्यंकः वाडा । ख्वप, यै, भोंत व मेमेगु थाय्या पासापिके विदा फ्वडः २:१५ ता इलय थाइ विमान (फय्खतय्) य् च्वडा । फय्ख बवल ।

बवय हाँ जिपुं साधारण यात्रु त च्वनिगु क्वथाय् च्वडः पासापुं नपां खाँ ल्हाडः च्वडा बलय् पत्रकार पासापुं (भैरव रिसाल व देवकोटा) नपां थुगुसीया सदनया बारे थःथःगु बिचः व देया कला व संस्कृति म्वाकः ल्यंकः तयता, राष्ट्रया (पुलां पहः) प्राचीनता ल्यंकः तयता अलय जनताया न्हँगु रोम थें दय्केता, ख्वप देशय् न्हापाथें पःखं मुइकेगु, पन्निशमि पहः (शैली) या छँ दांकय् मबियगु, व्यक्तिगत सम्पत्तिकाथं दयो च्वंगु साँभ्यः वा मेगु कला व संस्कृतिया महत्वपूर्ण कला-कृति व छेंत थुयता, स्यंकयता वा टुक्राटान्की याय्या वा विदेशीतय्या मिय मरुगु ऐन दय्केता राष्ट्रिय सम्पति वा राष्ट्रिय महत्वया बस्तु वा छँ दक घोषणा याकेगु नितिं जिं छगू संकल्प तय्गु मति याडागु खः । लच्छी-नेला हाँ निसें हे जिं थुगु खाँ शिक्षा मन्त्री रामहरि जोशी, ने.का. या सचेतक गोविन्द राज जोशी, लक्ष्मण प्रसाद घिमिरे, रामकृष्ण ताम्राकार व मेमेपुं संसदया दुजः पुं नपां खाँ ब्याक च्वडा । उत्तर कोरियाया राजदूतावासय् छन्हू गणेशमान जि नपां नं खाँ ल्हाडागु खः । वयकलं थव खाँयाता बांला हे ताय्कला अलय संकल्प हयगु पाय्छी हे जू धाला । संसदया परामर्श समिति छलफल जू बलय् फुक्क पार्टीया प्रतिनिधिपिसं सिद्धान्तत ज्यू धायो समर्थन याता । अलय संकल्प मखु ध्यानाकर्षणे ह्यता सल्लाह बिला । संकल्पता ध्यानाकर्षणे हिडकः

छ्वया । अलय काचाक्क प्योङ्गयाङ्ग वानयगु ज्या भ्वः वल । जिगु मन दोमन जुल । आश्विन १० गते जिगु कोरिया वानयता बैङ्कके थ्यंकेगु टिकट मिलय जुल धाय्गु खाँ ९ गते जक सिल । आश्विन १० गते हे ख्वपया बारे ध्यानाकर्षण प्रस्ताव यंकेगु ज्याभ्वः दःगु । जिं उगु प्रस्ताव जिमिगु पार्टी पाखं दिल्ली बहादुर महत पाखं तय्केगु खाँ ल्हाडा । अलय सभामुख ज्यू उकिता भतिचा व्यवस्थित याड हे हयमः गुलिं दिल्ली बहादुर महतता मह्यकसिं हिउँदे सदने जि (का.रोहित) पाखं हःसा बांलाइ धाय्गु सल्लाह बिला जिता छुयाय गय् याय जुल । थव फुक्क खाँ जिं जिता विदा ब्यू वःपुं व पत्रकार पासापिन्ता काडा ।

विमान स्थलय् पन्त जि व भीम बहादुर तामाड जि (ने.का.) नं थ्यंकः भाल अलय चन्द्र प्रकाश मैनाली (एमाले) खानय् मरुनि । लिपा माधव नेपाल, सि.पि. मैनाली व एमालेया मेमेपुं पासापुं भी.आई.पी. क्वथाय् च्वड च्वंगु जुयो च्वना । कोरियाली राजदूत काउन्सिलर किम व कोरियाली दूतावासया मेमेपुं कर्मचारीपुं विदा वियता भःगु जुयो च्वना ।

फयखः (विमान) बैङ्कके ५:१५ ताइलय् थ्यन अथेधाय् स्वघौ विक थ्यंके यंकल । बैङ्कके ३२ दा लिपा थव जिगु नेकगू पला खः । थव नं हाँ १९५९ सं चीनय् वाडा बलय् पटनातक विमान, आनानं कलकताय् तक रेलं , कलकतां रङ्गुन जुयो चीनया कूडमिडे विमानं बाडागु खः । अलय चीनं थःगु देश (नेपः) ल्याहाँ वया बलय् बैङ्कक जुयो ल्याहाँ वयागु खः । अःया बैङ्ककया एअरपोर्ट यक्व यक्व हे हज्याय् धुंकल, बांलाय धुंकल ।

थ्यंमथ्यं घौत्या पिय घुडानिं अथेधाय्गु ६:३० ताइलय (नेपःया ई) जिपुं हडकड वानयता फय्खतय् च्वडा । फय्खतय्हे जा नया भीथाय् या ८ ताइलय जिपुं हडकड थ्यन । माल

चयगूगु स्वप पौ. बःछि पौ(पाक्षिक)

सामान स्वकानिं पासपोर्ट स्वकानिं हडकडया १२:०० ता ई थात । आनाया हवाइ अड्डाया रिगल होटेले बाय चवडा । पेकिडे (११ आश्विन २०४०)

हडकडया ई नेपःयायगु स्वयो २:१५ घौ हज्यागु जुयो चवना । द्यो तुइयवं अलय मणिक दाइया फोनं आनाया ७ ताइलय व नेपःया ५: ताइलय हे दाडा । भीम बहादुर जी व सी.पी मैनालीता छुं नं न्याय मःगुलिं जिपुं थिइकया बजारे वाडा । सुथायसिया कौला (ब्रेक फास्ट) नयाबलय नकतिनि नेपः या ई ६:०० ताइलय जुय धुंकल । पित्या धःसा मजुनि अथेनं नयहे मःगु । संजोगं जिगु व भीम बहादुर जीया पेकिडया नितिं उडान आनाया १०:१० य जुयो चवना । अथे धायगु नेपाली ८.५ ता इलय । मेपुं स्वम्हा सिया १२:१० ताइलय जुयो चवना । अथे नेताजि उडान जिमिसं सिहे मसिया जिमिगु मति फुक्क छगू हे विमानय् छकलं यंकिगु जुइ दकः चवड लिपालात । जिमिगु विमान यंकय् धुंकल ।

बल्लकलं कतबलम दथ धायगु थाय् खाली दःगुलिं १२:१० ताइलयया हवाई अफिसय् थयं मथयं घौछीति पिडः फुक्क छगू तं विमानय् वानय् दैगु जुल । नत्रसा नेगू खौं जिमिता काथं मछि निगु छगू पासापुं छटय् जुइगु मेगु हडकडे चच्छी चवनयं मः सा अपलं धेबा बेपवाकय् खर्च जुइगु नपां दुःख सिइगु । मणिक दाइ बाहेकं मेपुं जिमिके थजगु यात्राया ज्ञान दःपुं मरु । वयक उखेथुखे ब्वाक-ब्वाक जुयो दुःख सियानिं बल्ल जिपुं फुक्कं छकलं वानय् खाना ।

पेकिडगया नितिं हडकडं नेपाली ई काथं १०:४५ ताइलय फय्खः बवलः १:२५ ता इलय पेकिडगो बवकाल । न्हिनयसिया बजी फय्खतय् चवडः हे नया ।

पेकिडग विमान स्थल नं ३० दा हौं जि वयाबलय स्वयो यक्व हे तः हांक दय्क तय् धुंकल । अलय अजु चायपुगु खौंयां हडकडे १५-२० मिनेटं हय दैगु थः थः गु सामान हयता आना ५५ मिनेट बित । जिपुं फुक्क अजु चायो चवडा । थय्कः स्वयबलय पेकिडग स्वयो हडकड यक्व यक्व मनुत द्रहं प्यहं जुइगु व लिमला फमलां जुइगु खानय् दः धात्थे धायगु खः


सा हडकड स्वयो पेकिड हवाइ अड्डा गां थें चवं बन्दोबस्त व ज्याया तस्कं ल्युने ला ।

कोरियाली दूताबासया कर्मचारीपिनिपाखं जिमिता रियन होटेल यंकला । आना हे पाकिस्तान, हिन्दुस्तान व श्री लड्का यायपुं प्योडयाड वानिपुं प्रतिनिधिपुं नं नपा लात । पलख पिनयं चाहिल अलय ७:३० ता इलय बःन्हिया जा नया । भाय् मथुयो तस्कं थाकुल । मणिक दाइ नं सिन्हवा विश्व विद्यालयया छम्हा मंत्री नपां फोनं स्वाप तयता नेघौ बिता ।

प्योडयाडे १२ आश्विन २०४८

थुखुनुं जिपुं नेपः या ई १२:४५ व पेकिडया ई ३:०० ता इलय पेकिडगं प्र.ज.ग. कोरियाया प्योडयाडे वानयता फय्खतय् चवडा । हवाइ अड्डाय् जिमिसं बुटवलया सूर्यलाल श्रेष्ठता प्योडयाडं ल्याहौं वयो चवंगु अलय बैकक वानयता फय्खः मदयो हैरान जुयो चवंगु खाडा । पहाडै पहाड व दथवी दथवी खुसीत, बुँ, फाँट, बस्तीत स्व स्व २:४५ ता इलय (नेपाली) जिपुं प्योडयाड विमान स्थलय् थवन । कोरियाली ई लचं उब्ले ५:१५ ता ई जुल जक कयन । विमान स्थलया पिने कोरिया पुनः एकीकरण व कोरियाता आणविक अस्त्र मुक्तगु थाय् दयकेया नितिं याइगु अन्तराष्ट्रिय पद यात्रासं बवति कःवपुं एशियाया थी थी देया प्रतिनिधिपिन्ता लसकुस यायता द्रलंद्र जनतात पिडः चवंगु जुयो चवना ।

फुक्क देया प्रतिनिधि मण्डलया दुजःपुं थः थः गु देया नां दःगु व देया नां मरुपुं 'कोरिया छगू हे खः' धायगु नारा चवयो तःगु प्लेकार्ड व कापया बालाक्वखा क्वखायो फय्खतं क्वहँ वला । लसकुस यायता ता ई निसें पिड चवंपुं जनतातयता अभिवादन याडः चिच्याहांगु शान्ति जुलुस हवाइ मैदानया छगू कुनयं छगू सभा याडः चवन । उकि कोरिया पुनः एकीकरण एशियाली समितिया नायो भाजु (जापानया) व छयाञ्जे (भारतया) पिसं न्वचु तयो दयगु खः । आना नं राजनीतिक पार्टीया प्रतिनिधिपुं व मेमेगु समितिया





चयगूगु स्वप पौ, बःछि पौ(पाक्षिक)

प्रतिनिधिपिन्ता बिस्कं बिस्कं लसकुसयाइगु थासय यंकल ।

विमान स्थलयया लसकुसयाइगु थासय अगस्त (१९९१) सं नेपः भ्रुःम्हा कोरियाली मजदुर पार्टीया केन्द्रीय समितिया अन्तर्राष्ट्रिय विभागया उप-निर्देशक किम वे बोड नपां दुःख सुखया खाँ ल्हाडा । नेपः भ्रमणया इलय् वयकं जिता 'सचिछक ब्वनयगु स्वयो छक थःगु हे मिखालं स्वय दःसा यक्व-यक्व खाँ थुइके फैं उकिं कोरिया छक भ्रासं' धायो ब्वंगु जिगु नुगलय् अः नं तयो तयागु दः नि ।

वयकलं कोरियाय् दकलय् न्हःपां लसकुस याय् दःगुलिं लय्ता प्वकः दिल । नपां उसायँ गथे च्वं दक नं न्यडः दिल । कफी त्वनय् धुकः जिपुं छगः बसं प्योडयाड वाडा ।

बसय् भारत, श्री लड्का, पाकिस्तान, बड्गलादेश, जापान, लाओस थी थी देशया प्रतिनिधिपुं दः । च्वयया प्रतिनिधिपुं मध्ये जापान याय्पुं दक जिमिसं पेकिङ्गे नपा लागु खः ।

हवाइ मैदान निसैं प्योडयाड तकया लायँ थाय् थासय् सलंस मनूत, बुँ, फः, बसपिडः च्वंपुं व छँ ल्याहाँ वयो च्वंपुं कोरियालीत खाडा । अलय् फुक्कसिनं लाहासांक जिमिता अभिवादन याडः वाना । थः पुं मचात लुकुंछिड वपुं मां पुं थजु, मचातयता लाहा ज्वडः यंक च्वंपुं तताकेहँपुं थजु, बुई ज्या साड च्वंपुं बुँज्यामि थजु वा ज्यासः (कारखानां) ज्या सिध्यक ल्याहाँ वयो च्वंपुं ज्यामित थजु फुक्कसिनं थः मस्तयता लाहा संक अभिवादन याय्गु स्यड च्वना, ह्योगु स्काफ चिड तःपुं २० कि.मि. या दश्वी दश्वी नपालापुं फुक्क मिसामस्त-मिजंमस्त तस्कं फूर्तिसाथं लाहासांक-सांक अभिवादन याय्ता लिपा मला ।

तः ब्यागु तस्कं यचुपिचुगु लौ, इवः इव तलागु तस्कं बां बां लागु छँत, टूलिबस, ट्राम व जमिन दुनयँनं यकिगु भूमिगत रेलत दुतापिता याडः च्वंगु खाडः अजुचाया तः तः जःगु तः तः खागु भवन (छँ त) नेगू-नेगू तहखय् पिडः तःगु सिमात स्वस्वं जिं नेपाली कांग्रेसया केन्द्रीय दुजः भीम बहादुर तामाडता धाया

- धात्थें कोरियां प्रगति यागु हे खः ।

नेपः दे थें चिच्याक्वगु युद्धखय् धू धु जूगु अथेधाय् पागु अपा छपा तक मदय्क धू याड ब्यूगु कोरियां जेनेभा सम्भौता लिपा ३७ दा या इलय् यागु प्रगतिं कोरियाली जनतां थःगु देशप्रति गौरव याय्गु अधिकार तै जिगु मनय् २००७ साल लिपा ४१ दाया भीगु देश ३० दाया पञ्चायतया शासनकालय् देशय् प्रगति छाय् याय् मफूता धाय्गु मनयँ खाँ ल्हात । जिमिगु बसया हःनय-हनय् ह्योगु मता च्याक च्याकं यंक च्वंगु छगः सुरक्षा व सूचं बिड्गु गाडी, कोरियाली समितिया अधिकारी पिनिगु गाडी, थी, थी देया धवार्यँ दःगु गाडी, म्यँ व सूचंखं पदयात्राया प्रचार यायां गाडी न्हयाकः यंकः च्वना ।

बहनीथाय् ७ ता इटेलय् जिमिगु बस कोरियो होडेले दिक्क यंकल । आनानं जिमिता लसकुस याय्ता मनूत लाइनं च्वड च्वंगु खानय् दता । कोरियो होटेलया भिलिमिली खाड जि छक त्वल्हे जुया । होटल दुनयँ मनूसिं दय्कगु इवाला (भरना) एक्वारियमे लहिडः तः पुं डा, पुखु, रंगिचंगी मतात व न्हयाथायं न्हय्कं व उकिया किचां जिगु मन लय लय ताल । धात्थें हे बांला- कोरियो होटेल 'भीम बहादुर तामाड व सी.पी. मैनाली ता जिं धाया - नेपालय् नं नेगू प्यंगू होटेलतयां दय्कगु दः अलय् अरबौतका दां बिदेशी तय्के ग्वाहाली व धेबा त्याय कायो जक दय्कला । कोरियां जक गथे छु याड थापाच्च प्रगति याय् फता ? नेपाले पर्यटन उद्योगया सम्भावना कोरियाय् स्वयो यक्व हे दः । च्वाप्व गुं प्राकृतिक बांला, भारत व चीनया लापुं जुयो अथेनं नेपालय् थथे तः तः हांगु होटेल दाडः पर्यटन उद्योगत छाय् च्व मजाय्कगु ज्वी ?

जिता कोरिया होटेलया नेगूगु ल्याचा ३१ गु तल्लाया २५ नं क्वथाय् च्वनय्गु बन्दोबस्त याता । बैठक क्वथा, देनेगु क्वथा सभा क्वथा, ख्वः सिलय्गु (स्नान याय्गु) क्वथात दःगु उगु थासय् मःगु फुक्क सामानतनं तयो ब्यूगु दः ।

इगाप

ख्वप नगरपालिका पाखं पिथाड च्वंगु स्वप पौ बः छि पौ खय् बांलागु च्वसु त बियो ग्वाहाली याड दिसँ । उगु रचनाया ल्य ज्या याड पारिश्रमिक बियगु खाँ ख्वप नगरपालिकाया २०७७ श्रावण २६ गते च्वंगु बैठकं

क्वः छ्यगु खाँ ब्याक च्वडा ।

सम्पादक
ख्वप पौ

एमसीसी, प्रचण्ड व भांगः लाय्गु राजनीति

विवेक

एमसीसीया खायँ नेका व माओवादीया मेपिन्ता भांगः लाइम्हा ध्वँ याय्गु बाखॉनपां ज्वः ला । ऊँट व ध्वँया विस्कं विस्कं गुणया जन्तुत खः सां स्वार्थया निंतिं पासा याता । छन्हू नेम्हासिया नयपित्याडः पित्या तांकयूता खर्बुजा सय्कतःगु बुईं द्वहँ वाना । पित्याया सुरय् नेम्हासिनं तुछ्याय्थें खर्बुजा नला । प्वाजायानिं ध्वँचां ऊँटता धाला - 'स्व पासा नयधुंकः म्यँ हालय् मः । अथे मयासा प्वा स्याई ।' ध्वँचाय्गु खाँ पत्या जुयो च्वना । ध्वँचा तः तः सिकं हाल । उब्ले हे थुवः वल । ध्वँचा पत्ता मदय्क बिस्पु वान ऊँटं कसा नल ।

मेगु दिनय ऊँट व ध्वँचा चाह्यु ह्युं वां बलय् तः हांगु खुसी छगू वल । उगु खुसी छिय मः गुलिं छु याय् दक बिचः याडः च्वंबलय् ऊँटं धाल - स्वपासा छचिच्याही, जि तःही । छंता खुसीं चुइके फः । उकिं छ जिगु म्हा देनय् च्वँ । जिं छंता लुकुंछिडः पारी यंकय् । ध्वँचाता उगु खाँ खः थें च्वना । अलय् ध्वँचा ऊँटया म्हाय् गल । ऊँटया अखुनुया बदला काय् मःगुलिं ध्वँचाता थःगु म्हाय् गय्कः खुसी छित । अलय् खुसी दशवी थें बलय् कः कः ल्वहँतय् चुलुला धायो ध्वँचाता क्वफ्वाडः छ्वत । खुसी तः बः जूगुलिं ध्वँचाता चुइक यंकला । ध्वँचा सीत । मेपिन्ता भांगः लाइम्हा ध्वँचा थः हे सीय माल ।

नेपःया राजनीतिखय् प्रचण्ड थः ता तस्क. चतुरम्हा राजनीतिक कासामि (खेलाडी) दक मति तयो जुइगु । वं हिदा हाँ निसँ राजनीति थःगु हे चाकलीं चा चा हिल च्वंगु दः धाई । वं थःगु बुद्धि व बिचलं

स्वयो मेपि निगु इशाराय ब्वाकः जुइम्हा छगूंतुं लायँ डाय् मफूम्हा अस्थिर स्वभावया नेता खः, धाय्गु सिय् दः । थःगु स्वार्थ पू वांकय्या लागिं वं पासापिन्ता मुलय् थ्यडः न्हयलय् स्याय्गु 'मितघाट' व खःगुं मखुगुं खाँ ल्हाडः विश्वासघात' यायां राजनैतिक अनैतिकताया प्याखं ल्हयो च्वना ।

२०६४ सालय् दकलय् तः हांगु दलकाथं संविधान सभाय् त्याकः वसेलिं प्रचण्डया तुतिपाली बर्यंमरु । थः थें योग्यम्हा सःस्यु व फःम्हा क्षमतावान, (वैचारिक नेता) बिचलं जःम्हा नेता देशय् सुं मरु दक वयाके अहंकारं भय बिल अलय् थः ता सर्वहारावर्गया महान गुरु लेनिन नपां ज्वः लाम्हा भः पिला । 'अहंकारी मनूत छन्हू नाश मजूसें मगा' धाय्गु नीतिशास्त्रया खाँ थुइके मफयो हिदा दुनय् व अथेधाय्गु माओवादी जनताया दशवी थुलि बदनाम जुला कि व मेपिनिगु ग्वाहाली मदय्कः चुनाव ल्वाय मफूम्हा, मफूगु अवस्थाय् थ्यन ।

निर्वाचन त्याकय्ता ध्वँचां ऊँटता पासा याथें २०७४ सालया स्थानीय निर्वाचने नेकानपां गाथी चिता । नेका थजगु सामन्ति व पूँजीपति वर्गया पार्टीं नपां कार्यगत एकता याडः निर्वाचन ल्वाता अलय् ७५३ स्थानीय तह मध्ये माओवादी १०६ थासय् त्याकला । अथे मिलय् जुयो ल्वाडानं एमाले २९७ व नेकां २७४ थासय् स्थानीय तह त्याक वला । नेका नपां मिलय् जुयो निर्वाचन मल्वागु जूसा माओवादीया छु गति जुइगु जुई धायो च्वनयँ मालि थें मच्चवं ।

विचार व सिद्धान्त मरुगु राजनीति अवसरवादय् क्वचाई, थःगु क्वम्हयो वांगु

राजनीतिया खाँ बांलाक थूम्हा प्रचण्डं स्थानीय तहलय् नेका नपां मिलय् जुयो निर्वाचने नेगू-प्यंगू अपः थासय् त्याकय धुनय्वं कांग्रेसता भांगः लाडः च्यालालिपा जूगु संघ व प्रदेशया चुनावय् एमालेनपां कार्यगत एकता जक मखु छगूंतुं घोषणापत्र खय् मंकः उम्मेदवार दय्कः चुनाव ल्वाता । अः प्रतिनिधि सभाय् ४९ थासय् त्याकागु थःगु शक्तिं स्वयो एमाले नपांया भोटं त्याकगु खः । संघप्रदेशया निर्वाचनलिपा प्रचण्डं धःगु खः - 'अः नेपालय् डय्दातक 'कम्युनिस्ट' या सरकार जुई । वयागु व खाँ स्वदा हे मतु । सत्ता मदय्क म्वाय् हे मफूम्हा प्रचण्डं थः प्रधानमन्त्री जुयता हे नेकपा तछ्याय्ता तक तयार जुला । पार्टीं तछ्याय्गु स्वयो पार्टीं दुनयँ हे सैद्धान्तिक संघर्ष यागु जुसा थौं याय्गु दिन स्वय मालिगु मखु ज्वी । खयां व पार्टीं तछ्याय्गु दोष अदालतता बियो च्वंगु दः । धात्थेंगु खाँयां के पी ओलीता पार्टीया साधारण दुजः हे मखुत दकः पितिगु हे पार्टीं तछ्यागु खः ।

प्रचण्डं नेका व एमालेया दशवी ल्वाकय्ता थः सफल जूगु मति तः सां धात्थें धाय्गु खः सा प्रचण्डता गुब्लें एमालें कांग्रेसया विरुद्धय सा गुब्लें कांग्रेसं एमालेया विरुद्धय छ्यलः वयो च्वंगु दः । धात्थें धाय्गु खः सा नेका व एमालेया चाग चा दुनयँ माओवादी बाँमलाक धुं कुंथें कुडः फसय् जूजुं वाडः च्वंगु दः । नेपः या संसदीय राजनीति नेगू दलं लुतुलुयो दुई दलीय तानाशाह पाखय् ब्वाडः च्वंगु दः । उकि माओवादी शक्ति उखेनंमथ्यं थुखेनं मथ्यें खुसी दशवी लाथें लाईगु पक्का खः ।

अः याय्गु इलय् प्रचण्ड व माधव



चयगूगु स्वप पौ, बःछि पौ(पाक्षिक)

नेपाल स्थानीय तहया चुनाव याकेगु मति मरुपुं खः । शेरबहादुर देउवां बैशाख ३० गते निर्वाचन यायगुलि अमिता मानय याता । निर्वाचने सहमति जुयवं एमसीसीया विषय सदनय ह्यगु खाँ पिता हल । माओवादी दुनयँ भवखा बवल । प्रचण्डं एमसीसीता पौ च्वयागु मखु दक पिब्वगु खाँ नं मखुगु फय्खाँ सावित जुल ।

एमसीसीया ५० करोड डलरं देशय सलिंचा यो थें यल तरड पिकायो बिल । व आपासिकं अपः दः गु धेबा मखु अलय नेपःया आर्थिक व राजनीतिक स्थिति थुलि भ्वाभवः व कमजोर जुय धुंकल कि देया सार्वभौमिकता नपां स्वापु दःगु व हिन्द प्रशान्त रणनीति (आइ पी एस) दुनयया धेबा खः दक प्रमाणित जुय धुडा नं उकिता काय मखु दक भी नेतापिसं धाय फःगु मरु । जनतां आपाच विरोध याक याकं नं नेकाया नेतातयसं न्ह्याथेयाड जूसां सदने ह्यता (पेश यायता) सभामुखता कोरा (दवाव) बियो च्वना खःसा एमालेया छम्हा हे नेतां उकिया बिरोधयाता धःगु न्यनयँ मरु । गठबन्धन (गाथि) फ्यनय धुनकिं नेपा नपां मिलय जुयो एमसीसी पास यायगु व एमाले सरकारे वानेता तुतिपला ल्हाडः च्वंगु दः ।

नेतातयगु क्वह्योंगु हैसियत

भीथाय्या नेता धःपुं प्रधानमन्त्री व मन्त्री तयगु हैसियत थुलि क्वह्योनय धुंकल कि सं.रा अमेरिका थजगु देशं भीता मनु हे गनय मया । एमसीसी सम्भौताय नेपः या पाखं अर्थमन्त्री ज्ञानेन्द्र बहादुर कार्कीजुं व एमसीसीपाखं एमसीसीया कार्यबाहक अध्यक्ष जोनाथन नासं (२०७४ भदौ २९ गते) सहिछाप यागु खः । अमेरिकां नेपः दे थजगु सार्वभौमसत्ता दःगु स्वतन्त्र देया अर्थमन्त्रीया हैसियत छम्हा कर्मचारी क्वति तयो बियानं भीपुं मन्त्रीत म्हुतिइ धौ फिड

च्वना । मिखातिसिड सही याडः च्वना । उगु सम्भौता यायता नेपः या पाखं अर्थ सचिव जक छ्वगु जूसा छु स्यनि जक ? भन लज्या चायपुसे च्वंगु खाँ छुलय धःसा एमसीसी संसदं अनुमोदनया लागि ई फ्वड २०७८ असोज १३ गते छ्वगु पौखय नेपः या नेगू (प्रमुख) मू पार्टीया नेतात वहालवाला प्रधानमन्त्री व पूर्व प्रधानमन्त्री अध्यक्षपिसं सहिछाप यागु दः । थुली लज्या फुक्क मुलः पिब्वयगु बाध्यता भी नेता तयता गजगु बाध्यता जुला ?

अमेरिकी विदेशमन्त्रीया धम्की ?

फ्वड नैपिनिगु इज्जत गना दै ? अमेरिकी सरकारं नेपः या नेतातयता 'फ्वंगी' या दर्जाय तयो तःगु दः । अथे नं नेतातयसं मथुसा धायां छुयायगु ? नेपः मि पुं न्हाय काकगु नं मस्यु न्हि काकगु नं मस्युपुं इज्जत व प्रतिष्ठा मस्युपुं नेतातयपाखं शासित जुय माल च्वंगु दः । श्वहे भीगु तः हांगु दुःखः, विडम्बना खः ।

अमेरिकी सहायक विदेशमन्त्री डोनाल्ड लुनं देउवा प्रचण्ड व केपी ओलीता टेलिफोन याडः 'एमसीसी संसदं अनुमोदन मयासा नेपः व अमेरिकाया स्वापु (सम्बन्ध) खय हे बाँमलागु लिचवः लाकेगु धम्की ब्यगु दः सा 'अनुदान सम्भौता लिता यंकसा चीनं हस्तक्षेप यागु' अर्थय थुइकिगु खाँ नं प्याहाँ वगु दः । छगू सार्वभौमदेशता विदेशी मन्त्रीया थापाहांगु धम्की ? भीपुं नेतातयसं तुरुन्त उकिया लिसः बियो अमेरिकी धेबा छाय काय मखु धाय मफूता । छु अमेरिकाया ५० करोड डलर मरुसा देश हे संकष्टे लाड चलय मजुइगुला ? अझ जलाखाला मित्रराष्ट्र चीनता नपां म्वः मरुगु ल्वाखाँ ल्हाडः लुयो ह्यगु कुतः अमेरिकां याडः च्वंगु

दः । एमसीसीया धेबां नेपः या भिम्हा पासा मित्रदेश चीनया पक्ष विपक्षया वहस याय ह्यो राजनैतिक रड्ग वियगु कुतः याडः च्वंगु दः । नेपः देशं नेपः या सार्वभौमिकता म्वाकः तयता ज्या सानयगु खः । चीननपां स्वाडः म्वः मरुगु खाँ बयबय यायगु अमेरिकाया जः व कूनीति खः । चीनता क्यडः नेपः देशय थःगु हाँ कायगु जः खः ।

सभामुखया पाय्छीगु अडान

अः नेका व एमाले सभामुखया द्वयं बियो एमसीसी न्ह्याथेयाड जूसां संसदे पेश याडः छलफल याय मःगु पक्षखय दः । सभामुख स्वतन्त्र संवैधानिक ब्यक्तित्व व संसदया नेता खः । संसद गथे न्ह्याकेगु धायगु खाँ क्वः छियगु सरकारं मखु सभामुखं क्वः छिइगु खाँ खः । सभामुख जू ता छुं नं पार्टी हवीप याय फैमखु । अलय सरकारया (आदेश) उजं व निर्देशं सभामुखं पलाछिइमखु, अलय छियनं मज्यू । एमसीसीया बारे सभामुखया धिपी (अडानं) देशता भिं याइगु लिं देशभक्त जनतां सभामुखया अःया अडान (धिपी) ता च्वछायो च्वंगु दः ।

एमसीसीया खाँ खं सत्ता गठबन्धन तज्यायफः । नेका, माओवादीता २०७४ सालया संघ व प्रदेशया निर्वाचने मिखालयं धुलं छ्वाकः धोका ब्यगुलिं बदला काय मःगु दः । एमसीसीता छगू त्वह मरु त्वहः द्यकः ऊँट व ध्वँचायगु बाखांखय ध्वँचायता गुब्ले हे दडः वय मफयकः खुसी क्वफवाड छु व थें माओवादीता एमसीसीया ५० करोड तका डलरं चुइक छ्वय फः । मेपिन्ता ध्वँलालां जुइपिन्ता मेपिसं नं ताकेलाक मिखालय धुलं छ्वाकः धोका बिय फः धायगु नेपः या राजनीति खयलय हकं छकः जुइगु सम्भावना दः ।



जिमिगु कार्यकाल ख्वप मोडेल काथं हज्याकयूता तः लात

उप-प्रमुख - रजनी जोशी

देशय प्रजातन्त्र ह्यता थःगु जीवन पाडः शहीद जूयो द्यूपुं सकल शहीदपिन्ता श्रद्धा प्वंकसे समाजय ह्यूपा ह्यता ज्या साड द्यूपुं अग्रज ब्यक्तित्व पिन्ता हनाबनायासे जिपुं नेपाल मजदुर किसान पार्टीया जनप्रतिनिधिपिन्ता अपलं अपः मतबियो द्युगुलिं सकल नगरबासीपिन्तानं कृतज्ञता प्वंकः च्वडा । नेमकिपाया जनसेवा व विकासया ज्या इवलं जः गु २०७४ या स्थानीय तहया निर्वाचने पिब्वयागु घोषणापत्रया लिधंसाय जिपुं हज्याडः च्वडागु खौं छिकपिन्ता ब्याकः च्वडा ।

२०७४ सालया स्थानीय तहया चुनावया इलय् जनताया दृष्टी प्यदुगं अपः ज्यासाडः जनताया सेवाख्य लगय् जुयगु बचं बियाकाथं न्ह्यलुवापिसं क्यंगु लौपुं ज्वडः जनतानपां लाहापा स्वाडः हज्याडः च्वःडागुलिं थौं जिमिगु कार्यकालया दकलय् लिपाया ई तक थ्यंबलय् जिमिसं ख्वप मोडेलया विकास यायूता तः लाता । छगू ब्वस्यलागु नमूना नगर व डालकाय् बहगु नगरकाथं म्हासिद्धका पिब्वय फता । थ्व फुक्क जिपुं जनप्रतिनिधिपुं, जनता व कर्मचारी पुं नपांया त्रिकोणात्मक सहकार्य याडागु वा उपलब्धी हे खः धायगु विश्वास प्वंकः च्वडा । जनताता च्वयतयो ज्या सानयगु मति ज्वडः जिपुं जनप्रतिनिधिपुं जनताया लागिं जनताकय् बः कायो हज्याडः च्वडागुलिं जिमिसं जनताया अपलं अपः माया व विश्वासं याडः थौं तक तः लाकः पला न्ह्याकय् फयागु खः । अथेहे थुगु ई दुनयँ २०७६ चैत्र ११ गते अथेधायगु सन २०१९ निसं तासे तासे याडः, डाड वाडः च्वंगु कोभिड १९ महामारी याडः जिमिसं दुनुगलं निसं धायो च्वडा । फुक्कका फुक्क ज्या सिधय्के मफया ।

नेपाल मजदुर किसान पार्टी नेपःमिपिनिगु मौलिक हक अधिकारया लागिं न्ह्याब्लें ल्वाडः वयो च्वंगु इतिहास साक्षी दः । थौं तक मदिसे ल्वाडः वयो च्वंगु दः । जनताया आधारभूत आवश्यकता पू मवांतलय् दे छुं काथं हज्याय् फै मखु अलय् जनतां सुख सिद्ध मखु । उकिया नितिं दकलय् न्हःपां थानाया छम्हा छम्हा नागरिकपिन्ता सः स्यू व फःपुं याय् मः । अथे जूगुलिं ख्वप नगरपालिकाया जिपुं जनप्रतिनिधिपुं व कर्मचारी पिसं थःगु कर्तव्य भः पियो थी थी लागाय् जनताया लागिं जनताकय् हे ग्वाहाली कायो हज्याडः च्वडागु दः ।

शिक्षाता च्वजायुकः क घाडः वांसाजक थजगु भिंगु ज्या पुवाड भिंगु लायँ लाइगु खौं भी न्ह्यलुवापिसं २२ दाँ हाँ हे तयो द्युगु शिक्षाया जग अः ल्याम्होचा जू बलय् ख्वपय् जक मखु देशां देछीख्य हे शिक्षाया तुइजला क्यनय् धुंगु व अभ्र मदिसं हज्याडः वाडः च्वनि । थुकिया छगू लक्ष्य ख्वप विश्व विद्यालय निःस्वानयगु नं खः । जिपुं थुगु लक्ष्य थ्यंकयूता मदिसं न्ह्याडः च्वडागु दः । जिमिसं २१ औं शदीया सचेत, शिक्षित, सभ्य, स्वस्थ व सक्षम नागरिक ब्वलांकेता शिक्षाता हे हदाय् तयो हज्याडः च्वडागु दः सा समाजया लागिं मदयुकः मगागु ब्यवहारिक ज्ञान नपांया राष्ट्र सेवक ब्वलांकय् मःगु खौं याता मति तयो २१ औं सदिसं ल्यासे ल्याम्होपुं तयार यायां यंकयगु आजुकाथं हज्याडः च्वडागु दः । गुकिं याडः शिक्षाया लागाय् 'ख्वप मोडेल या थुगु विशेषता जुइगु विश्वास काय ।

समाजहःने यंकयूता दकलय् न्हँ पां नगरबासीत शिक्षित जुयमः नपां स्वस्थनं मजुसे मगा । थ्वहे खौं विचः याडः थानाया जनताया स्वास्थ्य उपचारया नितिं छँ छँ नसिंङ, थी थी ल्वयया स्वास्थ्य शिविरत तयगु नपां थी थी मपुनिगु ल्वय नपां जीर्ण ल्वयत नुगः, उखुम (क्यान्सर), मृगौला, मष्टिस्कघाट, स्पाइनल इन्जेसी थजगु ल्वय जूपुं नगरबासीपिनिगु छुं भाति जूसां उपचारता ग्वाहाली थजुधायो थुगुसीनिसं छम्हासिता न्हपा स्वयो डाद्वतका ताडः हिंदाद्वतका दां बियागु जुल । थौं कन्हेया फस्वय हे मलागु जीवन, असन्तुलित नसा त्वँसा, प्रदुषणं याडः थजगु ल्वय भन अप्वयो वयो च्वंगु खौं नपां थुकिं सचेत जुयता नं आग्रह याय् । उकिं भी सकल नगरबासीपुं सचेत जुयो मः काथं स्वास्थ्य मापदण्ड पालना याडः वानयँ । थुकिया लागिं ख्वप नगरपालिकां स्वापु दःगु ब्वनय् कुथितयूता अध्ययन अनुसन्धान व सुरक्षाया उपायया लागिं मः काथं निर्देशन नं बियो वयागु दः ।

ख्वप अस्पतालं कोभिड ल्वय मपुकः पाडः तयूता कोभिड युनिट चायुकः जनताता सचेत जुयता इनाप यासे भीगु ख्वप नगरसुरक्षित नगर दयकेता फुक्क मिलय् जुयो न्हपा यायगु थें पीडा हकनं फय म्वाय्के ता भी फुक्क मिलय् जुयो हज्याय् मः । कोभिडया स्वकगु लहर वयधुक ख्वप नगरपालिकां न्ह्याकः तःगु कोभिड युनिटं नगर



चयगूगु स्वप पौ, बःछि पौ(पाक्षिक)

दुनय व पिनय्या अपलं ल्वगितयता उपचार यायां वयो च्वंगु अः मथां हे आइ सीयु व भेन्टिलेटर नपाया थी थी युनिटत चाय्केगु कुतः जुयो च्वंगु दः ।

हानय बहपुं सकलें दाजुकिजा तताकेहेंपुं,

ख्वप देशय् प्राकृतिक सम्पदात मरु घाय् म्वाय्कः लुदांकयता भी पुर्खापिसं दय्कः तकगु ज्वः मरुगु सम्पदां याडः ख्वप दे हलिमय् थःगु बिस्कं म्हासिइका पिब्वयो च्वंगु दः । थजगू अर्मूत पूर्व इतिहास धस्वाडः च्वंगु थासय् भी सकल नागरिकपिसं थानाया सम्पदा व संस्कृतिक ल्यंकः म्वाकः तयो न्हेंगु पुस्ताता लः ल्हाडः तकय्गु ज्याखय् ख्वप नगरपालिकां पला छिडः च्वंगु खॉ फुक्कसिनं स्यूगु हे खॉ खः । जिमिसं भीगु सम्पदात फछिं फक्व ल्यंकः म्वाकः तयता ल्हवनय् कानय् व दानय्गु ज्या यासे अजगु सम्पदाया अध्ययन-अनुसन्धान अभिलेखन, सबलीकरण नपांया पुनः निर्माणया प्राविधिक प्रतिवेदनत नपां न्हेंगु पुस्ताता ल्यंकः तकेता सुरक्षित काथं ज्या जुगु खॉ नं ब्याक च्वडा । थुकिया लागिं भी न्हयलुवापिसं ख्वप सर्कल न्ह्याकगु खः । अः लिपा थुकिता हे सिष्टम काथं हज्याक यंकय् गुकिं संरक्षणया बारे लिपा वडगु विपतिं याडगु क्षतिया अपुकः ज्ञान थकः धाय्गु जिमिगु मतिया खॉ थाना ब्वयो च्वडा । थ्वहे सम्पदा ल्हवनय्-कानय् व दानय्गु व ल्यंकः म्वाकः तय्गुया 'ख्वप मोडल' काथं पिब्वयता तः लागु खः । जिमिसं जिमिगु पालय् पुर्खा दय्कः तकगु कला व संस्कृति ल्यंकः म्वाकः तकेगु मतिं ज्या साडः च्वडागु खः । कोरोना भ्वल्वचं याडः क्वः चाय्के धाय्गु ज्यात क्वचाइ थें च्वडः च्वंगु दः । अथेनं २०७२ सालया तः भ्वखाचां स्यंकः ब्यूगु छगू नेगू ज्यात प्राविधिक व आर्थिक कारणं याय् मफूगु बाहेकं फुक्क ज्या क्वचाय् धुंकल । छगू नेगू सम्पदात गथेकि रानीपुखु, भाजु पुखु क्वचाइथें च्वडः च्वंगु दः । भीगु थजगु कला व संस्कृति जःगु थाय् व सभ्यता विकास पिह्वगु थायता ल्यंकः म्वाकः तयता भी फुक्क छपा जुयो वानयता ख्वप नगरपालिकां बः याडः च्वनिगु नपां भीगु सम्पदा व संस्कृति नपां सभ्यता यक्वलिपातक म्वाडः च्वनि । भी ख्वपया जनता जुयागुलि न्हार्ये तः पुकय् दै । भीगु नगरया विकास निर्माण सम्पदा ल्यंकः म्वाकः तय्गु, शिक्षा, स्वास्थ्य नपां समाजय् च्वंपुं छम्हा छम्हा नागरिक गथेकि अपांग जूपुं, हिंसाखय् ला पुं व अन्यायल्य लापुं मन्तय्गु समस्याया बारे सामाजिक दायित्व वहन याय्गु भाला संविधानं (२०७२) स्थानीय सरकारता हे जिम्मेवारी ब्यू काथं अपाङ्गताया म्हासिइका पौ इड विद्युगु अस्थायी समन्वय समिति व न्यायिक समिति च्वडः ज्या साडागु बः चा हाकलं कानय् ताडा ।

ख्वप दे दुनय्या अपांगता जूपुं नागरिकपुं म्हासिइकः अमिता सेवा, सुविधा बियता, सुविधा बियता योजना दय्केगु थी थी काथंया अपांगता जूपुं मन्तय्गु ल्या तय्गु लि अः पुकयता स्थानीय सरकार सञ्चालन ऐन २०७४ या दफा १०२ खं ब्यूगु अधिकार छ्यलः ख्वप नगरपालिकां प्यकगु नगर सभा २०७५ निसं न्हि ल्या २०७६ बैशाख १९ गते पारित यागु राजपत्र व न्हि ल्या २०७५ /१२/१९ गते च्वंगु बोर्ड बैठकं निःस्वांगु अपाङ्गता जू पिनिगु म्हासिइका पौ इड विद्युगुया अस्थायी समन्वय समिति निःस्वांगु खः । उगु समितिं २०७६/३/२

गते निसं थौ तक खय् पूर्णअशक्त (क वर्ग) ९३ म्हा, अति अशक्त (ख वर्ग) २७७ म्हा मध्यम (ग वर्ग) १५८ म्हा व सामान्य अशक्त (घ वर्ग) ४२ म्हा याडः मुक्कं ५७० म्हा अपांगता म्हासिइका पौ इड बिय धुंकल ।

थी थी समारोहलं थी थी ज्याइवः व सामग्रीत ख्वप नगरपालिकाया प्रमुख सुनिल प्रजापति जुं बियो ख्वप नगरपालिकाया हिगुंतुं वडाया वडाध्यक्ष पिनि पाखं इडः ब्यूगु खः ।

न्हि ल्या २०७८ साल श्रावण ३ गते ख्वप नगरपालिकाया हिगुंतुं वडा कार्यालय पर्यटन शाखा व जनज्योति साफूकुथिया सहयोगी कर्मचारीपिन्ता लच्छीया सांकेतिक भाय्या तालिम बिल । उगु तालिम २२ म्हा सिनं कःगु खः ।

अथेहे ख्वप नगरपालिकाया दुनयया अपाङ्गता जूपुं मन्त व संरक्षकपिनिगु लागिं नेलाया सिप मूलक हस्तकलाया सामानत दय्केगु तालिम बिल । तालिम स्यनामि हिमालयश्वर लाल मूल व ग्वाहालीमि रञ्जना जाकीबञ्जारं ब्यूगु खः ।

अथेहे २०७८ मंसिर १८ गते ३० कगू अन्तर्राष्ट्रिय अपांगता दिवसया लसताय कासाया धिं धिं बल्ला जुल नपां निः शुल्क स्वास्थ्य शिविर नं जुल नपां सांस्कृतिक ज्या इवः नपां मतिनाया चिं नं लः ल्हाड दिल ।

न्याय समितिया व्यवस्था

नेपः या संविधानया धारा २१७ काथं गाउँपालिका व नगरपालिकाय् दुनय् जुडगु स्थानीय स्तरया विवादत स्थानीय थासं हे क्वः छिय्गु उद्देश्यं छगू छगू पालिकासं उप-प्रमुख /उपाध्यक्षया कजिलय स्वम्हासिया छगु न्यायिक समिति दैगु स्थानीय सरकार सञ्चालन ऐन २०७४ या दफा ४६ निसं ५३ तक स्थानीय तहलय न्यायिक समितिया कार्य क्षेत्राधिकार व कार्य प्रक्रियाया प्रावधान दः काथं ख्वप नगरपालिकां क्वय च्वया काथंया पदाधिकारीत तयो न्यायिक समिति निःस्वाडः ज्या न्ह्याकः वगु खः । ख्वप नगरपालिकाया न्यायिक समिति /इजलास प्रत्येक वालय्या विहिवारे २:०० ता इलय निसं च्वनिगु खः । उगु न्यायिक समितिसं:

- १) कजि-ख्वप नगरपालिकाया उप- प्रमुख रजनी जोशी
 - २) दुजः-ख्वप नगरपालिका वडा नं. ८ या वडाध्यक्ष महेन्द्र खायमली
 - ३) दुजः-ख्वप नगरपालिका वडा नं. ६ या वडाध्यक्ष हरिराम सुवाल
- ख्वप नगरपालिकाया कानुन अधिकृत गणेशलाल फौजु इजलास सहायक जुयो ज्या साडः च्वंगु खः ।

हानय बहपुं दाजुकिजा तताकेहें पुं,

सांस्कृतिक नगर ख्वपदेता पूर्ण सुरक्षित/संरक्षित स्वस्थ नगर ज्ञान विज्ञान व प्रविधिसं थःगु तुतिखय् थः हे दानय् फय्केगु काथं दय्केता थानाया सकल बुद्धिजीवी, संघ, संस्था, नगरबासी सकल दाजुकिजा तताकेहेंपिनिगु न्ह्याबलें याय्थें साथ व ग्वाहाली दैगुलि ख्वप नगरपालिकां विश्वास याडः च्वंगु दः । नपां ख्वप नगरपालिकाया न्ह्यागुनं ज्याखय् ग्वाहाली यासे ख्वप देता थौं या 'ख्वप मोडल' दय्केता साथ व ग्वाहाली अल्य समर्थन याडः द्यूगु सकल सिता दुनुगलनिसं आभार प्वंकः च्वडा । विशेषयाड जिपुं जनप्रतिनिधिपिनिगु डादा दुनयया लीपातक थ्यंगु इलय् थ्व जिमिगु

सहिद पिनिगु योगदान लुमांकः छेयो लाँपुं फहिङ्के मज्यु

नेपाल क्रान्तिकारी किसान संघ ख्वपया गवसालय् ख्वपय् २०४६ सालया ऐतिहासिक जन आन्दोलने प्राण उत्सर्ग यापुं सहिद पिनिगु सम्मानस फागुन ८ गते आइतबार ख्वपया 'सहिद क्वबय्' सहिद दिवस डाय्कल ।



संयुक्त जन आन्दोलनय् सहिद जूपिनिगु परिवारजनया उपस्थिति दःगु उगु ज्या इवःसं मू पाहाँ नेपाल मजदुर किसान पार्टीया छ्याञ्जे नपां सांसद प्रेम सुवाल जुं थःगु स्वार्थ त्वः त देश व जनताया नितिं प्राण ब्यू पुं सहिदपिनिगु योगदान लुमांक छ्वयो थःगु कर्तव्य त्वः फिङ्के मज्यु धायो दिसे थमनं फयार्थे थःगु जिम्मेवारी पू वांकय् मः धायो दिसे माओवादीया नायो प्रचण्ड व एकिकृत समाजवादया नायो माधव नेपाल एमसीसी पास याकेता हे देउवाता प्र.म. यागु घटनां क्यं, थुगु एमसीसी परियोजना अनुदान मखु लगानी दक अमेरिकी अधिकारी व प्राध्यापक पिसं धाया नं सत्ताय् च्वड च्वंपुं दलतयसं थव विशुद्ध आर्थिक ग्वाहाली जूगुलिं लिता छ्वय् मज्यु दक फय् खाँ ल्हाडः च्वना दक धायो दिल ।

वयकलं थुगु सम्भौतां चिकं, खनिज पदार्थ लाकः कायो, छगू देश मेगु देश नपां ल्वाकः ल्वाभः मियगु अमेरिकी स्वार्थया अमेरिकी सैन्य मोर्चाय थुनय्गु कुतः याडच्वंगु खाँ नं ब्याक दिल ।

५० करोड धेबां नेपः दे हमज्याइगु व वहे धेबा वैगु खाड समृद्ध नेपः सुखी नेपः मि या नारा थवय्कगु अलय् थुकिं दे

कार्यकाल तः लाकय्ता सुख- दुःखय् साथ बियो द्यूपुं नेमकिपाया न्हय्लुवापुं, नगरया थी थी संघ, संस्था, ब्वनय्कुथि, कलेज नपां सकल नगरबासीपिन्ता ख्वप नगरपालिकाया जनप्रतिनिधि परिवार पाखं दुनुगलं निसं भिन्तुना देछाया ।

दकलय् लिपा, थुगु महामारी हकनं - हकनं थी थी रुप हिलः वयफः गुलिं सचेत जुयो स्वास्थ मापदण्ड पालनायाडः वैगु

खतराय् लाइगुलिं श्री लङ्कां खारेज यार्थे यय्मः सांसद सुवाल धायोदिसे धात्थे खय्क एमसीसी पास याः सा स्वतन्त्रता प्रेमी अमेरिकन तयसं साम्राज्यवादी बेलायती तयता लिङः छ्वथे थाना सही यापुं नेता तयता लिङ छ्वइ धायो दिल ।

नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं सहिदपिनिगु बलिदान देशय् ह्यूपा ह्यूता खः सुयाय्गुं ब्यक्तिगत स्वार्थ पू वांकय्ता मखु धायोदिसे समाज सेवा खय् जुय फःसा दक सहिद पिन्ता हाडागु थें जुइगु खाँ ब्याकसे निर्वाचनया लागिं पार्टीं दर्ता याकिगु अलय् पार्टीया चुनाव चिन्ह मबिइगु सरकारी निर्णय मान्य मजुइगु खाँ काडः दिसे देशय् आन्दोलन व क्रान्ति याइदक देया ल्यासे-ल्याम्होपिन्ता विदेशे छ्वयो अमिपाखं वइगु रेमिटेन्सं दे चले याइगु मिलय् मजगु नपां धात्थेगु क्रान्तिता सुननं पानय् मफैगु खाँ नं वयकलं काड दिल ।

सरकारतयसं देया कोसी, गण्डकी, महाकाली जक मखु देया भूमि हे मियगु व एमसीसी पारित याडः देया स्वाधीनता व सार्वभौमिकताय् घः लाइगु ज्या सांगु खः धायो दिल ।

नेमकिपाया केन्द्रीय दुजः डिल्ली प्रसाद काप्ले सहिदपिसं दे व जनताया लागिं प्राण उत्सर्ग यागु, नेमकिपां निः स्वांगु इलय् निसं ह्यूपा ह्यूता देश विदेशया पुँजीपतितय्गु विरोधयायां विदेशी हस्तक्षेप व असमान सन्धीया विरोधयाड वयो च्वंगु खाँ ब्याकसे ज्या साड नैपुं ज्यापु ज्यामिया सरकार ह्यूता वर्ग संघर्षया लाँपु ज्वड च्वंगु खाँ ब्याक दिल ।

नेक्राकिसंघया केन्द्रीय उपाध्यक्ष गोविन्द दुवालया सभानायोलय् जूगु उगु सभासं घाइते पाखं राजेन्द्र दुमरु, सहिद परिवारया पाखं पुञ्जरत्न शाक्य व रचना सुवाल जु पिसं सहिदपिन्ता सरकारं वेवास्ता यागु दे म्वाकय्ता आन्दोलन यय्मःगु थःगु स्वार्थ पू वांकय्ता दे व जनताता बेवास्ता याइपुं नेता तय्गु ज्याखं लज्या चाय् पुगुलिं धात्थेपुं नेता तयता चुनावखय् त्याकय् मः धायो दिल ।

ज्या इवः हाँ मौन धारण याडः सहिदपुं राजकुमार सुवाल, कृष्णाराम दुवाल, निर्मल कुमार शाक्य, हरिकृष्ण भूजु, पुष्परत्न शाक्य व महेश श्रेष्ठया इवातां खय् स्वमः क्वखाय्कः गु खः ।

दिनय् सामान्य पाखय् यंकेता ग्वाहाली याइगु विश्वास यासे सकल संक्रमितपिनिगु भिं उसाय्यया कामना नपां ल्वचं सी पिन्ता बिचः हाय्कसे वयकया पसिवारपिन्ता नुगः तय फय्मः धाय्गु समवेदना प्वंके ।

(२०७८ माघ २६ गते हिँछकगु नगर सभासं उप-प्रमुख जोशीजुं बियो द्यूगु न्वचु ।)



छि दुःख फयो च्वंम्हा मखु दुःख बिइम्हा मिसा खः

कुशल

न्हिनयसिया लिभः बल्लाडः वयो च्वंगु ई, अथे धाय् ति न्हिनय्या इलय् फातापुलय्ता साडः च्वंगु ई । वडा अफिसय् ज्या दःपुं भाचा अपः मनूत हुलमुल खानय् दः । वहे हुलय् अदालतयाय्म्हा छम्हा कर्मचारी नं भःगु जुयो च्वना । म्हासियाम्हा कर्मचारी जूगुलिं जिं वयकं ज्वडः वःगु पौ कायो सही याय्ता काया । वयक श्वनं हॉ नं तःक हे अजगु पौ ज्वडः भायो च्वनिम्हा मनू खः । सहिछाप याय् हॉ पौ कायो छक ब्वडः स्वया । फैसला कार्यान्वयन याय्ता डोर खटेयागु अलय् वडाया छम्हा जनप्रतिनिधि नं च्वनय् मः गुलिं अदालतं वडाय् छ्वयो हःगु जुयो च्वना । जिं पौखय् सहिछाप याडा । अलय् छाप तय्ता सचिवज्युथाय् छोया । वयक आनाहे भाला ।

पलख लिपा सचिव जि च्वडा थाय् अफिसय् भायो अदालतया पौ (म्याद) कायमःगु जूसां पौ खय् च्वयो तःगु वादीया उजुरी मखुगु व न्यायोचित मखुगुलिं निर्वाचित समिति छक सल्लाहला याय् मालिला दक धायो दिल । जिं सचिव ज्यु कय् न्यडा - पौ च्वयो तःगु ब्यहोरा खय् छुं पाताला कि ? उजुरी कर्ता याय् हे खोट खानय् दता ? सचिवं ज्युं लिसः बियो दिल-उजुरीवाला वादी कविता सुवाल (छु डागु नां) जुं थः भः त पिन्थाय् च्वंगु सम्पति स्वब्वय् छव्व बिया दकः फिराद ब्यगुलिं प्रतिउत्तर ब्यु मवांगुलिं एकतर्फी फैसला याडः स्वब्वय् छव्व कवितां काय घायो फैसला यागु दः । अलय् अमिगु छुं ब्योह मजुपुं काय् (किजाभत) व म्हाय्य (केहँभत) नं दः नि । अपुं नेम्हासिता नं भाग तय् बलय् डाब्वय छव्व जक थ्याइगु उकि नं भाग तय्बलय् व छव्वया नं बच्छी जक कविताता भाग वानिगु खः । उकिं थुगु पौ या बारे छक छलफल याडः जक सहीयाय्

माली धाय्गु सचिवया राय न्यडांनि कर्मचारी (अदालतया) ता च्यान्हु लिपा जक वडाय् वा धायो छ्वया । वयक भायानिं समितिया बैठके छलफल याय्मःगु बिषय धायो जिं दायरी खय् च्वया ।

शुक्रवार न्ह्याब्लें याय्थें नियमित बैठक जुल । बैठके ख्वप जिल्ला अदालतं छ्वयो हःगु पौया विषय छलफल न्ह्याका । उगु इवल्य जिं पौ व उकिया दुनयया खॉ (पृष्ठभूमि) काडा । अलय् जेष्ठ जनप्रतिनिधि जुं - पौ खय् न्हि थाडः तः म्हा वादी व छुं व अमिगु परिवार जिगु छुं हनय् खः । उकिं जिं बांलाक सिया । कविता व वया भःत दयाराम सुवाल (छुडागु नां) या खुदाति दः म्हा म्हाय्य छम्हा नं दः । ब्योह जुय धुंक न्यदा प्यदा बांमलागु छुं खॉ न्यनय मरु । अलय् छुंया पिनि बांलागु आम्दानी मरुगु थः भःतयाय् नं स्थल्लागु ज्या मरुगुलिं कविता थः छुं वाडः च्वना । भःत म्हा सिया स्वयो मिसाम्हासिया अपः कमाइ व योग्यता दः । भः तम्हा भाचा बागः लाटाम्हा नपां उलि बलाम्हा मखुगुलिं चलाखम्हा नकतिनि याय्म्हा बांलाम्हा कवितां थः ता मःल्वःगु मति तयो नेम्हासिया खॉ मिलय् मजुला ज्वी । तः दातक थः छुं च्वंसेलीं कवितां अंश व पारपाचुके (सम्बन्ध विच्छेद) या मुद्दा तः गु जुयो च्वना । उगु मुद्दाय् कवितां स्वब्वय् छव्व सम्पति माला दक दाबी यागु जुयो च्वना । अलय् दयाराम व वया मां नं छुं हे मस्युपुं, धेबा नं मरुपुं जूगुलिं प्रतिउत्तर नं ब्यु मवां । किजा भतम्हा नं मचाचाम्हा तिनि केहँ भतम्हा भाचा पहः पा म्हा जूगुलिं प्रतिउत्तर हे मब्यगुलिं एकतर्फी फैसला याता । धात्थें धाय्गु खः सा डाब्वय छव्वया छव्वखय् नं नेव्व जक काय् दय मःगु खः । वकिल धुर्त चलाखम्हा जुयो भुट्टा मुद्दा तयो मुद्दां त्याकला । उकिं भीसं थजगु फैसलाता कार्यान्वयन

याके मज्यु । भःतम्हासिता सः त थुइकः खॉ काड पुनरावेदनया निंति कुतः याकेमः ।

थाकालिम्हा जनप्रतिनिधिया बिचः हे बांला धायो भः तम्हा सिता सःतः पुनरावेदन यांकेगु कुतः याय्गु खॉ व्वः जित । कन्हेखुन्हं भः तः म्हासिता वडाय् सः त न्यडाबलय् वं मुद्दा जूगु हे मसिया जक धाला । पुनरावेदन यो वानय्ता थः कय् धेबा मरुगु न्हिं खाडः न्हिं नय्ता हे थाकुगुलिं पुनरावेदन यो वानय् मफैगु खॉ न्यनय् धुंकः व तस्कं कमजोर मन व धेबां दुःखम्हा मनू धाय्गु सिय दत । दयारामया खॉ न्यनय् धुंकः अः भी गथे वानय् माली धाय्गु खाय् जनप्रतिनिधिपुं नपां सल्लाह ब्याका । अदालतं वगु (म्याद) पौ मकसें मगागु खयानं अः तरुन्त बुभेयाडः मकाय्गु खॉ व्वः छित । नपां नगरपालिकाया अधिवक्ता नपां कानुनी सल्लाह याय् मालि धाय्गु नं सल्लाह वल ।

पासापिनिगु सल्लाहकाथं नगरपालिकाया वकिलकय् सल्लाह कायाबलय् वयकलं छुं काथं हे अदालतया अवहेलना याय् मज्युगु अलय् अथे यात धःसा कार्वाही जुइगु खॉ काडः दिल । सल्लाह याडागु सातिखुनुं अदालतया कर्मचारी वहे पौ ज्वडः बुभेयाडः काय् माल दक धः वल । जिं कर्मचारीता समिति जूगु छलफलया खॉ ब्याका । वयकलं पौ बुभेयाडः मकसें मज्यु दक जिद्दी याय् मफूसां थप कार्वाही जूसा थः जिम्मेवार मखु धायो वान ।

दिन बिड वांसेलीं नेन्हू पेन्हू यायां लच्छी बित । लच्छी लिपा नकतिनीया छम्हा मिसामचा न्हिनय् ताकय् वडा अफिसय् वल । सेवा ग्राहीत अपलं दः गुलिं व मिसाचां थःगु पः पिडः च्वना । पलखलिपा वयागु पः वल । नकतिनि याय्म्हा जुयो जिं वयाता



चयगूगु स्वप पौ. बःछि पौ(पाक्षिक)

नानी छंगू छु समस्या जुला दक न्यडा । वं दकेलिपा जक खाँ ल्हाय् दक धःगुलिं जिं हकनं मेपिनिगु खाँ निं न्यडा ।

घौछीति लिपा फुक्क सेवाग्राहीत वानय् धुंकः जिं वनपां खाँ ल्हाडा । वं बुलुहुँ खाँ छुतः जिगु मुद्दाया फैसला कार्यान्वयन मजुला ? जनताया भावना थूम्हा वडाध्यक्ष जुयानं छम्हा मिसा मचाता जूगु अन्यायता घ्वासा विय गुला ? छि कविता सुवाल खः ला ? छिगु फैसला कार्यान्वयनया पौ नियमानुसार कायमःगु यां खः । अलय् ब्यवहारिक छु खः ? दकनं वडाकार्यालयं स्वयगु याई । छिं डाबवय छब्व व उकि नं छब्व खय् नेब्व जक दैगु खः । छिं किजाभत व केहँभतता अंशियार हे मक्यंसं गथे मुद्दा तथा ? उकिं पौ मकायागु खः जक धाया । अलय् वं अजगु खाँ जिं छुं मसिया । जिम्हा वकिलं अजगु खाँ जिता छुं मधः दक लिस बिला । अथे स्पू स्पू ता तां बुभू पचे यायगु खाँ ल्हाय्मते जिं नं छंगू पौया बारे जिं छु मसिया धः सा छु जुई ? दक न्यंका । वं जिता छिं अथे धाय् हे मिलय् मजु । वडाध्यक्ष जुयो पीडित मिसातय् पाखय् पा जुय मःगु मखुला ? दक न्यन । जिं 'छिं पीडित दुःखी मिसा मखु पीडक (करपिन्ता दुःख बिइम्हा) मिसा खः' दक धायाबलय् वं नुहे मवासं फस्वयो वाना । कन्हे खुन्हुँ अदालतया कर्मचारी छम्हासिं जिता फोन याता । अदालतया पौ बुभूयाड मकः सा नियमानुसा कार्बाही जुइगु खाँ धः सेलिं जिं नियमानुसार सजाय फय्ता तयार दः धाया ।

छन्हुँ जि नातेदार छम्हा सीगुलिं खोहे सल्लाँ वाडा । दाहासंस्कारया इलय् याय्मःगु फुक्क संस्कार याडः च्वं च्वं गुथियाय्पुं मवनिधाधां सी उठे याय्गु ज्या लिपा लाडः च्वना अलय् सल्लाँ वापुं मि मतःतलय् ल्याहाँ वय मज्यू धःगुलिं धाटय् सी उठे जुइगु पिडः च्वडा बलय् न्हिनय् सि याई जूगुलिं अपलं सेवाग्राहीत वडाया वयो पिडः च्वन ज्वी । जिगु मोबाइलय्

मदिक्क फोन वयो च्वना अथे हे वगु फोन मध्ये छम्हा म्हामसियाम्हा मनूया फोन छुज्वदक फोन ल्हाडा । फोन जक ल्हानय् वं वयागु तः सलं कडा वचनया खाँ जिं न्यनय् माल । वं -छि जनताया प्रतिनिधि जूसेलिं इलय् हे वडाया वयमः धाय्गु मसियाला ? थाना वडाया च्वनय् थाय् मदय्क मनूत मुनय्यं धुंकल जिं घण्टौ लानय् धुन । थथे जनताता पिकः तयता छिता भोट बियागु खः ला ? छिं अदालतया निर्देशन नं मानय मयाइम्हा छि गना दः ? छिता कडा कार्बाही जुई । छि मथां हे वडाया भ्काय् माल ।' छ्वनकल । खाँ न्यडा बलय् जिता नं तं यां प्याहाँ मवगु मखु अयनं जनप्रतिनिधि जूसेलिं तंपिकायो नुवाय ज्यूगु मखुत । जिं मति तथा व फोन याम्हा मन् अदालत याय्म्हा कर्मचारी जुई । अथेनं अखुनुं वम्हा कर्मचारीयां अथे मखु । अलय् जि घाटय् मच्वंसं तप्यं वडा कार्यालय वया । लायँ जिता अदालतया मेम्हा कर्मचारी व जिल्ला प्रशासन कार्यालयया कर्मचारी फोन याता । वयकपिसं नं अदालत या पौ बुभूयाड मकः गुलिं फोन यागु जुयो च्वना । जिं बिचः याय् धायो फोन तयो बिया ।

वडाकार्यालय थयनय् वं व अदालतया कर्मचारी जिगु विरुद्धय् खाँ ल्हाडः च्वंगु ताय धुन अलय् व मन् अखुनुं याय्म्हा मखु मेम्हा हे जुयो च्वना । जिं थः गु मेचय् फेतुय धुनय् वं थःगु खाँ नाइकति जक धाया । वं तं पिकायो हे धाल - वडाया इलय् हे मवैम्हा वडाध्यक्ष जनताया भिं गथे याई ? अदालतया अपहेल्ना याय् मज्यू धाय्गु सामान्य खाँ हे मथुम्हा वडाध्यक्ष देशया लागिं छु याई ? ... व मनूनं तः तः हांगु खाँ ल्हाडः च्वन । जिं न्यडः च्वडा । अलय् न्यडः च्वनय्गु धैर्यता तज्या सेलिं जिं वाता हकहे लिसः बिया-श्व छिगु अदालत मखु । सः चिच्यासः यो अलय् सोफाय् फ्यतु । अदालतया आदेश पालना याय्मः । याय्गुनं खः । छिगु थजगु हे ब्यवहार जूसा अदालतया आदेश पालना नं

जुइमखु । छिं छु याय् फया यो । सजाय फयता तयार दः । अदालतं पीडितया पक्ष कायमःगु अलय् मिसा तय्गु नामय् दुःख बिइपिनिगु पाः लिडः फैसला याःसा व मान्य याय फैमखु । उब्ले जनतात दडः वै । जनता दाड वै बलय् अदालतं न. पानय् फै मखु । जनताया शक्ति दकलय् बलागु शक्ति खः । वहे जनतां पूगु करं कर्मचारी पिसं नं तलब नइगु खः । खाँ थुइकः जक हाल दिसँ ।

जिगु छु बोलिया लिसलं व लिफः हे मस्वसं प्याहाँ वाना । वं वडाध्यक्षता अदालत छु धाय्गु मक्यंसिं त्वः तय् मखु धायो पुतुपुतु हाल वाना । अलय् तरुन्त जिं जनप्रतिनिधिपुं नपां सल्लाह याड । वयकपिसं पौ बुभूयाड मकायागु हे सल्लाह बियो दिल । वकिया छन्हुँ नेन्हुँ लिपा अदालतं जिता हाजिर जूवा धायो पौ छ्वयो हल । जि नगरपालिकाया वकिल ज्वडः अदालतय् बयान पियता वाडा न्यायाधिशं पौ बुभूयाडः कायमःगु वडाध्यक्षया कर्तव्य खः धायो काडः दिल । जिं व खाँ बांलाक हे सिया धः सें अदालतं छम्हा पीडकया पक्ष कायो यागु फैसला वडां ब्यवहारिक काथं स्वया बलय् काय् मछिंगुलिं जक जिं मकायागु खाँ नाइकः न्यायाधिशया हः नय तथा । नपां आमलिं वइगु अदालतया आदेशता नं वडा कार्यालयं पालना याय्गु बचं बिया । अलय् थौं तक नं कविता सुवालया मुद्दाया पौ बुभूयाडः काय्गु ज्या मयाडानि । कविताया वकिल व अदालतया कर्मचारी पिसं तः कहे फोनं पौ बुभूयाडः काय् बिया दक अनुरोध यात । अथेनं जि मिसं अदालतया उगु पौ मकाया । नपां कविता थः हे तः कः वडाया वयो पौ काय् बिया अदालतया फैसला कार्यान्वयन याडः बिया दक बिन्ति यो वल । नपां पुनरावेदन यो वानय् दकः धम्की नं बिला । अथेनं अमिगु धम्की ग्याड, अदालतया धम्की थौं तक कपः क्वछुक मजुया नि ।

चयगूगु स्वप पौ. बःछि पौ(पाक्षिक)

वगु कालकुट विष थमनं त्वड काँथिइसं थाकः तःगु इलय् घाँती हे बाँचुयो वांगुलिं निलकण्ठ दक नं धाय्गु या । श्व संसारे प्रलय जुइदकः थमनं चुनौती नपां ल्वाडः बहुजन हिताय या भावना कः घाय् सय्के मः धाय्गु ज्ञान सकल सिता ब्यूगु खाँ थुइके मः । उकिं अनेक कष्ट नयो जूसां जीवनय् छक शिलु महाद्योथाय् वानय्मः दकः धायो तःगु खाँ शिलु वानय्गुया अर्थ द्यो दर्शन मू आजू जूसां आनाया प्राकृतिक दृश्य, भौगोलिक वातावरण व आनाया नाः, फय्, आनाया जन-जीवन संस्कृति नपां सिइकेगु नं ह्वता चुलाइगु काथं धार्मिक पर्यटक जूयो वानय्गु याड तःगु खै । नपां आनाया वनस्पति ब्वपलय् गुकिं आयोदिनया ज्यायाइ । तालय् स्वं चन्दनया नास्वा नपां मूलया नाः जलकाथं ह्यो अनेक पितृ ज्या व धार्मिक ज्याखय् 'जल' काथं छ्यली । थाना न्हिथानय् ताडागु खाँ उगु शिलु कुण्डलय् वइगु नाः महाद्योवं त्रिशूलं तियो पातालया ख्वंगु नाः पिकायो थःगु काँथी जुयो च्वंगु पीडा म्ह्वं याय्ता थः वहे दहः दुनयं च्वडः च्वंगु विश्वास काथं दह दुनय् खानय् दैगु (भौगोलिक विज्ञ पिसं दुनय् म्हवः सुगु चट्टान धाई) आकृतिया महाद्यो देड च्वंगु भः पियो च्वंगु दः ।

थाना महाद्योया स्वंगू ल्या नपांया स्वापुया खाँ न्हिथानय् ताडा , वहेपुखुली स्वंगू सुलं तियो पिकगु नाः क्वय थ्यनिबलय् त्रिशुली खुसी जुई । अथेहे महाद्योयाता ऊँ नामं नं पुकारे याई । ऊँ आखः विग्रह याय्गु खः सा 'अ+उ+म' जुई । गुगु ऊँ या उच्चारण श्वास प्रश्वासया छगू प्राणायाम खः । भी पुखां थथे छगू योग काथं द्यो व धर्मता स्वापु तयो तकगु खानय् दः । अलय् रुद्र नांया महाद्योया छगू तिसा रुद्राक्ष नं खः । गुगु रुद्राक्ष क्वखाई बलय् जिवय्ता निनिगु धायो तःगु दः । एकमुखी रुद्राक्ष महाद्योया प्रतीक काथं अनेक विशेषता काड तःगु दः गुलिं महाद्योया दः । अलय् प्रदुषण मरुथाय् फोहर मरुथाय् जक म्वाइगु धःगु रुद्राक्षमा प्रदुषण मापदण्डया दापु नं खः धाय् फः ।

वातावरण व सर्प निसंया स्वापु नं भी अजा-अजिं काड तकगु दः । तच्चकः तः नुलकिं सर्प प्याहाँ वैगु खाँ वैज्ञानिक तथ्यकाथं नं पाय्छी जु । अलय् सर्प प्याहाँ वलकिं व वइगु धाय्गु खाँ नं सत्य हे खः । छाय् धःसा सुजद्योया तः नुःया रापं क्वाड समुद्रया नाः हाँजुयो थाहाँ वानिगु जुल । अलय् अपलं तः नुयो प्याहाँ वम्हा सर्प स्वयो व वइगु धायोतःगु बेक्वयक (अप्रत्यक्ष) दसुकाथं सत्य खः । उकिं सर्पता नाग देवता

धायो पुजायायगु व नागपञ्चमी बलय् (सर्प) नाग पुजायाड व वयक ब्यूगुलिं खः धायो तःगु दः ।

महाद्योया शिरसं गड्गा महारानी विज्याडः च्वंगु धाइ । जुजु भगीरथया पुखां ऋषिया श्रापं नरके वासंलिं भगीरथं थः पुस्ताता नरकं थाकाय्ता अनेक कुतः यातः । कपिल मुनिया आश्रमय् स्वर्गया सेनां भगीरथया पुखां अश्वमेध यज्ञ याड त्वः तम्हा श्यामकर्ण सलाँ खुयो चिड तकगु खाँ मथुयो कपिल मुनिता खँ पः याडः द्वपं ब्यूगुलिं कपिल मुनिं तं म्वयकः ब्यूगु श्रापं नरके वानय् मःगु, श्राप मोचन याय्ता भगीरथं ब्रम्हाया तपस्या याबलय् थमनं मफाय् धायो वनलिया गड्गाया तपस्या याडा नं स्वर्ग गड्गा वै बलय् पानिम्हा मदयो महाद्योया तपस्या याड महाद्योवं जता ख्यड फःगु महाद्योया जता हे प्याकय् मफयो साप प्याडः गड्गाता कुडः मःछि जक धरती नाः पिल्हवकगु बाखं नं सड्कटया इलय् महाद्यो हे वयमःगु खाँ बैदिककालय् निसं दःगु खाँ शताब्दी पुरुष सत्य मोहन जोशी काड द्यूगु खाँ थाना न्हिथानय् बहः ताय्का । थी थी पुराणे नं न्हिथाड तःगु थुगु बाखं नं अति कष्ट अथे धाय् दुसाध्य धःगु ज्या नं परिश्रमयाःसा पूर्वाकय् फैं । वहे भगीरथ





चयगूगु स्वप पौ. बःछि पौ(पाक्षिक)

प्रयासं श्व पृथ्वी नाः ह्य फः गुलिं ल्वहँ हितिया क्वँ भगीरथया मूर्तिं तयगु यागु खः । प्रसङ्ग महाद्यो यायगु हे । पृथ्वी चुइकेगु धमण्ड याम्हा गङ्गाता थःगु जता लायो थमनं फयो शान्त यागुलिं दे (पृथ्वी) ल्यडक तयता यागु गुणं द्योयाद्यो महाद्यो जगु खः । अजम्हा महाद्योया दकलय् योगु चा शिवरात्री अथे धाय् शिला चहे । स्वस्थानी वैगु बाखां काथं न्हिया न्हिथं सिकार याडः परिवार पालय् याडम्हा ब्याधां छन्हू सिकार लुइके मफयो इतिमिति काडः जुल । अलय् व गुईसं बास चवन । चान्ह्य चिकुयो सिमा गयो चाकातय् यायगु मतिं गःगु सिमा बेलमा जुयो चवना । उकिया क्वसं शिवलिङ्ग दःगु वं मखां, मचः । चान्ह्यँ ख्वाउँयो वसेलिं व ब्याधा स्यू स्यू हाहां बेलपत्र कुतिकुति याडः क्व फवाड चवना । वयागु स्यू - स्यू सः हे शिव शिव थें तायकला । थः ता आपासिकं भक्तियाड चच्छी जाग्राम च्वड बेलपत्र (महाद्योता योगु) छायो च्वंगु तायकः महाद्यो प्रशन्न जुयो वयागु पाप फुक्कं मुक्त याडः बिल । सुथाय्या पहरे छम्हा माँचलां वहे लाँ जुयो लिक्क च्वंगु पुखुली नाः त्वनयता वयो च्वंगु जुयो चवना । ब्याधां व मा चलाँता खानय वं धनुश वापां कय्केता थिक्क याबलय् माँ चलां खान । व काचाक्क बिस्सू वानय् नं मफैगु खाड वं ब्याधा याता धाल । भो ब्याधा जिता स्याय्मते । जि मचा बुम्हा । जि सितकिं जिम्हा मचातनं फुक्क सी । जिता त्वः त बियो दिसँ धः बलय् छंता स्याड छँ यंके मफःसा जिगु परिवार द्यांलाई । उकिं जिगु ज्या हे स्याय्गु खः सा छंता गथे त्वः त छ्वय् धाल । अथेसा अः छक जिता त्वः त बिया जि मचातयता दुरु छक त्वंकः वय धायो ख्वःगु खाडः ब्याधाया नुगलय् करुणां जाल । उकीं कः अथेसा धायो सत्यबाचा याकः त्वःत छ्वत । ब्याधा आनासं चलाँ वैगु लाँ स्वयो चवन । सुथाय् जुयवं माचलां मचातयता दुरु त्वंक- त्वंक थः बाचायाड वयागुलिं

सीयता वानय् ताडागु धः बलय् मचात नं जिनं वय जिनं वय दकः धाधां मचात नं मांम्हा नपां वल । ओहो छम्हा जक स्याय धायां तःम्हा वगुलिं ब्याधा लयतायो चवन । हः नय् वयवं चलाँचातय्सं थः मां स्वयो न्हपा थः ता निं स्यो धाधां हनय् वल । श्व खाड माचलां धाल । जिमिता छंगू स्याडागु पाप फुक्क छं परिवारं इड काइलाकि मकाई छक न्यडः वा धः बलय् खः भः पियो छँ वाड न्यो वान । परिवारं छं न्ह्याथे याड स्याडः न्हि, उकिया पाप जि मिसं काय् मखु धः बलय् मनय् पाप मद्य धुम्हा ब्याधां खाँ थुयो चलाँचा वयो आमुलिं जिं सुं प्राणी स्याय मखुत धायो धनु वाण त्व थुल चलाँचातयता जीवनदान बियो छ्वत । ब्याधा शिवरात्री खुनु बेलपत्र छायो जागराम च्वड शिव शिव (सि सि) हाल च्वंगुया धर्म व मुक्त जुल धाय्गु प्रसङ्गं नं शिलाचहे खुनु चच्छी शिलाचा छ्वय्कः महाद्योया नां कायो जागराम च्वनिगु चलन दः गु नं धाई ।

उखुनुं शिलाचा छ्वय्कः तः गुया चाकलीं च्वडः छुयाला -लाभा(मागु) तयो सम्हे नड्गु चलन अः नं दः नि । थुखुनुं चान्ह्यँ सिँ, छ्वः खुयो नपां लाभा नं खुयो हेगु चलन दः सां अः बुलुहुँ ताडः वान । अथेहे छम्हा खुँ चच्छी खुयो सुथाय् त्यलं लुँचुं महाद्योथाय् च्वय् महाद्योता न्हयो थाहाँ वाडः देडः च्वनिगु जुयो चवना । छन्हू धात्थें महाद्यो प्याहाँ वयो च्वंगु इलय् महाद्योता न्हयो च्वे थाहाँ वां बलय् महाद्यो लयतायो मेपिसं स्वं जक छाला छं यां न्ह्याब्लें म्हाछिं हे छःगुलिं अः खुयो नय् म्वायक जक लुँचुं छभू बिला धःगु किम्बदन्ती उम्हा महाद्यो लुँचुं महाद्यो (सुवर्णेश्वर) दक नां जाला नं धाई ।

थुखुनुं दतात्रयया ताकी गयमः धायो ब्रम्हा-विष्णु-महेश्वर या बाल रूप दतात्रयया दर्शन यो वैपुं नं अपलं हे दै । थानानं त्रि या रूप वा समिभ्रण खानय् दः । नांगा बाबात वयो अद्भूत चमत्कार दतात्रय व पशुपति नं क्यड च्वनिगु अः म्हँ जुयो

वान । धुनी जगय् याड, गाँजा सालः, भाड नयो घवता त्वड, उखुनुं गाजी काय्क जुइपुं नं खानय् दै ।

न्ह्यागु हे धः सां महाद्योता योगु धतुर बेलपत्र छाय् मः गुलिं श्व बिस्कं खः । महाद्यो शिव लिङ्गकाथं अपलं थासय् दय्क सां व जस्दःगु सर्प हिड च्वंम्हा काथं छ्यःसां नन्दी (द्वहँ) गयो, उमा मुलय् तयो च्वंम्हा महेश्वरया मूर्तिं लिच्छवी कालया अन्त्य हे दय्कगु इतिहास विदपिसं धायो तःगु दः । पुखु दशवी विज्याइम्हा बाल गोपलेश्वर, जलेश्वर नपां कैलाश पर्वते विज्याइम्हा महादेव अलय् महाभारतया ल्वापुया इलय् किरातीत नपां ल्वाःबलय् अर्जुनं सन्धाकालय् पूजा याडः म्हासिङ्कम्हा किराँतेश्वर महाद्यो भृङ्गेश्वर महाद्यो, अलय् नवदुर्गा गणे गणेश्वर ज्वडः जुइम्हा महाद्योया रूप, पहः (स्थल) थाय् थी थी, अलय् मथां हे लयताइम्हा आशुतोष महाद्योया भिं दिन शिवरात्री खुनुं सकल सिनं धाई जय शम्भु ।

महाद्योया स्वंगः मिखा दःगु नं छगू 'त्रि' नपां स्वापु तयो 'धेबा धालकिं महाद्योवं नं स्वंगः मिखां काडः स्वैगु' धाय्गु उखानं प्रस्टया । गुकिं थः हे महाद्यो सुनबी बरदान काथं महाद्यो, चिन्तामणि भोला दुनयँ थः ता मः मः गु पिकाय फःम्हा महाद्योता हे धनं मगाड स्वंगः मिखा काडः स्वैगु काथं महाद्योया प्रतीक हछ्याई । अथेहे महाद्योया स्वंगः मिखा स्वर्ग, पृथ्वी व पाताल काथं नं काय्गु या । श्व स्वंगं लोकया तः हंम्हा द्यो जक मखु संहारकर्ता नं खः धायो महाद्योया भक्ति याई । अथेहे स्वंगः मिखाया अर्थ त्रिकालदर्शी काथं न्हपा जूयो वांगु, अः जुयो ज्वंगु व लिपा जुइगु खाँ स्यूम्हा म-हा-द्यो, शंकर शं-क-र काथं डालः भूत, प्रेत, गण न्वडः जुइम्हा महाद्योया अर्थ थुइकः भीगु देशया पशुपतिता सृष्टिया कपः (शिर) धायो तःगु जुयमः । उकीं शिवरात्रीसं सकल सिनं चच्छी तक नां काई -शम्भु, जयशम्भु, शिव शिव, शिव ॥

स्वपया ठ्हुँ कलाकारया ठ्हासिका

चित्रकलाया कलाकार राधेश्याम कर्माचार्य ।

राजकुमार लघु

राधेश्याम कर्माचार्य चित्रकलाया (किपाचवमि) कलाकार खः । कर्मचार्य बुगु न्ही २०३८ साल फागुन ८ गते खः । वयकया मां कृष्णा कुमारी कर्माचार्य, अले व्वा लक्ष्मीकुमार कर्माचार्य खः । वयक आखः बोंगु स्कूल या नां खः बासु मावि । बासु मावि खं २०५६ सालय एसएलसी पास योड द्यूगुजुल । अले येंया ललित कला क्याम्पसे फाइन आर्टय प्रमाण पत्र तह व्वड २०५९ सालय पास जुल । वयकं २०५२ सालय Zenith Art Training centre खे वड चित्रकला सयक दिल । व ट्रेनिङ्ग सेन्टर चित्रकलाया मेम्हा चित्रकलाया कलाकार जगतराम धुख्वां यागु जुयो च्वना । चित्रकला पाखे न्हयो ज्याय्या नितीं जगतराम वयक या प्रेरणाश्रोत खः । कर्माचार्यया धापु कथं वयक या तमाया काय खः कलाकार जगतराम, जगतराम धुख्वा । छन्हु वयकं जगतरामता नपालात । अले जगतराम नं चित्रकला वांगु सिल । राधेश्याम जिनं चित्रकला सयकेया नितीं नपां वय धःवले, जगतरामं लिस वल जी सयक वय अले छंता सेनय । धाथें जगतरामं डाला लिपा चित्रकला स्यन राधेश्याम कर्माचार्य व वयकया पासा पिंता । २०५२ सालमा राधेश्याम कर्माचार्यया छें हे चित्रकलाया स्येनयगु ज्या जगतरामं यात । चित्रकला स्येनयगु या भूवल्य राधेश्याम कर्माचार्यं धिंधिं बला कासाय व्वति नं कायगु यात । दकलय न्हपां ख्वपया तेंचा त्वालय या तारा ल्याम्हो पुचं यागु चित्रकला धिंधिं वला कासाय बासु मावि पाखं व्वति काल । धिंधिं बला खे हपा सिरपा त्या त । अकिया खुशीं वयकं चित्रकला विधाखे हे ह-ज्याय्यगु मति तल । उसा लिसें ख्वपया थी-थी स्कूलं याइगु चित्रकला कासाय मदिक व्वति काल । पुरस्कार त्याक त्याकं बान । जुजुं प्रत्येक शनिबार चित्रकलाया कलाकार पासापु मिलेजुयो स्थलगत चित्रकला (Landscape art) च्वयगु ज्या न्हयाकं वान ।

वयक व वयकया पासापुं स्थलगत चित्रकला च्वेया निती, भक्तपुरया छगू छगू पतिकें गाँ गामय वाड, चित्रकला च्वयगु अनुभव दयकल । वयक या खाँ काथं, स्थलगत चित्रकलाया (landscape Art) मदिक च्वल धसा चित्रया लेवल, चित्र खे रंग गथ्य तयगु? किचा गथे तयगु? सयके सिके दई ।

कलाकार राधेश्याम कर्माचार्यया प्राण प्यारी वा जहान खः संगीता कर्माचार्य । वयक नं चित्रकला च्वईम्हा कलाकार हे

खः । स्थलगत चित्र (landscape Art) च्वयगु धिंधिंबला कासाय चा हिलयगु भूवल्य न्हपां थिमी नपा लात । परिचय जुल ,माया प्रेम जुल । २ बर्ष लिपा व्योह जुयो काय छम्हा म्ह्याय् छम्हा नं दत राधेश्यामं मुसुक न्हेल खाँ का न ।

कलाकार राधेश्याम कर्माचार्यया रुची चित्रकला च्वयगु व संसारे नां जगु ख्वपया जुजु धौ फिड मिगु नं खः । वयकया धौ पस ख्वपया वंशगोपाल त्वालय द । जु जु धौ या लागि ख्वप दे संसारे नां ज । वयक भक्तपुर जिल्ला जुजु धौ संघया कार्य समिति सदस्य नं खः ।

थी-थी थासय भ्रमण

राधेश्यामया कला यात्राया भोलय नेपालया रसुवा , सिन्धुपाल्चोकया भोटेकोशी, मर्दि बेश क्याम्प पोखरा, पोखराया धा चोक, धांपुष नं भाल । चा हिलयगु भोलय विदेशया थाइल्याण्ड नं थ्यन । २०७६ सालय थाइल्याण्डया पासा पिंसं चाहिले या निती निम्तो विल । आना वड थाइल्याण्ड यायम्हा पासाम्हा लिंसी डान्हु तक चित्रकलाया work shop यात ।

प्रशिक्षण

कलाकार राधेश्याम कर्माचार्य २०७० सालय अरनिको कला इन्स्टिच्यूट ख्वपया वंशगोपालय खोलय यात । मड्युसिं डादा तक चित्रकला स्येनेगु ज्या यात । वं प्रशिक्षण ब्युपुं मध्ये वालापुं प्यम्हा चित्रकलाया कलाकार, ख सुदिप बल्ल, नविन मानन्धर, लक्ष्मण कर्माचार्य व भुषण दुवाल । कलाकार राधेश्याम कर्माचार्य अ तक खय् चयम्हा भाजु मयजु पिंता चित्रकला स्येनय धुंकागु खाँ काडदिल ।

दकले न्हपा बासुमावि आखः ब्वें ब्वों २०५६ सालय इस्कूलय विद्यार्थी तयता चित्रकलाया प्रशिक्षण विल । अबलय हे राधेश्याम कर्माचार्यया नेतृत्वय हे बासु माविया विद्यार्थीत कःघाड ख्वप मचा पुचः निस्वान । वहे पुच खं नेम्हा सोम्हा बाँलापुं कलाकार जन्म जुल । वयक पुं कलाकार त ख, पुण्यराम मातां, व रसिला कवां । वयक पुं अतक नं तसिकं बाँलागु कला दयक क्रियाशिल जुयो च्वंगु द । वयकं चित्रकलाया प्रशिक्षण डादा तक महेन्द्र विद्या आश्रम स्कूल,, व ब्राइटस्टार ई. स्कूल सेड दिल । अलय थिमीया चार दोबाटोतय..... नं डाला खुला लिसें चित्रकला विषय ब्वंकेगु व स्येनयगु ज्या योड च्वंगु द ।



चयगूगु स्वप पौ, बःछि पौ(पाक्षिक)

मंदरहा कलाकार

राधेश्याम कर्माचार्यता मंदपु कलाकार त खः ख्वपया चित्रकलाया कलाकार राजेन्द्र याकामी व जगताराम धुव्वा । वयक पिसं हे वयकता चित्रकला च्वयगु व धिंधिं बला कासाय ब्वती काय निम्ती हौसला वियो दिल् । राधेश्यामं धायो दि । वयक पिनिगु चित्रकला स्वयो वहे हौसला खं जि चित्रकला उप्पो सयकागु खः । वयक पिसं जि लुमां हमां जुसा ज्या भ्वया भोलय मसागु मस्युगु व मथुगु खा स्योड व्युगु द ।

ख्वपय चित्रकलाया नेगु पुचः द । छगु भक्तपुर आर्टिस ग्रुप (Bhaktapur Artist Group) अले म्येगु ख्वप कला परिषद । ख्वप कला परिषद सालय निस्वान । कलाकार राधेश्याम कर्माचार्य ख्वप कला परिषदया कजि जुयो ख्वपया कलाकारिताया प्रचार प्रसार व विकास यायता कुत योड च्वंगु द । न्येगु खे नं ख्वप कला परिषद सक्रिय जुयो च्वंगु द । वयक Saturday pleimair workshop या लागि प्रत्येक शनिबार सम्पदा (heritage) काथं स्वनिगया यौय, यलौय व ख्वपया स्थलगत चित्रकला च्वय्या निंती भायो च्वंगु खः । राधेश्याम कर्माचार्यया धापु काथं २०७४ सालय ख्वपय जुगु स्थलगत चित्रकला कार्यशाला खे वयकं व्वति कायोदिल । प्रत्येक शनिबार निरन्तर हिंन्येगु वालय तक थी-थी थासय वड स्थलगत चित्रकला (LANDSCAPE) च्वयो तगु भक्तपुर दरवार स्ववायर व्वेगुज्या जुल । व ज्याइवःया उलेज्या ख्वप नगरपालिकाया मेयर सुनिल प्रजापतिं याड दिगु खः ।

चित्रकला विधाय समस्या छु छुद ? न्हयस तया बलय राधेश्यामं समस्या न्हि थान , कच्चा पदार्थ भ्वे बाँ लागु म वडगु, नेपालय चित्रकला च्वयगु भ्वे या उत्पादन मरु , भारतं ह्यम । भ्वे या भ ई काथं थिके जुयो च्वनिगु । चित्रकला च्वयगु छपु बाँलागु बुरुष न्यायता नेदो सोदो धेवा पुलय म । ख यौ ठिकचागु बुरुष छपुया भ स्वस पेस दक खः । अथेतुं चित्रकला व्वे या निंती ख्वपय दरवार स्ववायरया तरांगु फल्चा दक द, मेगु थाय मदु । मेथाय किपा व्वे या निंती यौ जुसा व्यवस्थित थाय त द । जस्तो आर्ट ग्यालरी बबरमहल, नेपाल आर्ट काउन्सिल नक्साल व अले नेपाल ललितकला प्रज्ञा प्रतिष्ठान (NAFA) द ।

भक्तपुर नपा खेल क्षेत्रता प्रोत्साहन वियु थेंई चित्रकलाया नं मदिक तुं धिंधि बला कासा याय माल । स्थानीय सरकारं नं चित्रकलाया विकासया निंती योजना दयकी धायगु मति तय ।

चित्र कलाया विकासया निंती भावि योजना छु द ? राधेश्याम धायदिल । जिगु चित्रकलाया एकल कला प्रदर्शनी यायगु मति द । व प्रदर्शनी खे दाछि नेदा खे च्वयागु चित्रकला त

न्हयो वोगु जुई ।

भावि पुस्ताता वयक यागु न्हुगु सन्देश छु द ? राधेश्याम धाल, : चित्रकलाय लगे जुई पिंता छु द धाई ? थंकन्हे कलाकार तयसे च्वयो तगु बाँलागु चित्रकलाया किपात नेड त-त खागु छें, रिसोर्ट, होटलय रेस्टुरेन्टया अलय सरकारी अदा अदालतय आँगलय व्वयो हल । अकिं योड कलाकार तयगु आर्थिक अवस्था वालड वगु द । अकि निरन्तर चित्रकला च्वसा बाँ लाइ ।

श्रोतः (वयक लिसीयां खाल्हा बल्हा व वयक के दगु दसिपौ व सिरपा या आधारे)

चित्रकला खे राधेश्याम कर्माचार्य

२०५२।७।२२	नेपाल परम्परागत आर्ट ग्यालरीया उपत्यकास्तरया देवी देवता व नेपाली संस्कृति खे न्हाप
२०५२।१।११	विश्व क्षयरोग दिवसय लसता खे यायगु क्षयरोग नियन्त्रण रवर्ट कक विषय चित्रकला धिंधिं बला कासाय ल्यु
२०५३।१।२३	एस आर क्लवको पथम वार्षिक उत्सवया लसताय यागु नगरस्तरीय चित्रकला धिंधिं बला कासाय ल्युया ल्यु
२०५३।१।२	जनसंख्या तथा वातावरण मन्त्रालय व संयुक्त राष्ट्रसंघ जनसंख्या विभाग यागु राष्ट्रव्यापी धिंधिं बला कासाय ल्युया ल्यु
जेसीस सप्ताह २०५३ खे	भक्तपुर व्यापी चित्रकला धिंधि बला कासाय ल्यु
वश्व धम्मपान दिवस २०५३	My communityविषय लय राष्ट्रव्यापी धिंधिं बला कासाय ल्यु
२०५३।५।१२	नेक्राविसंघ गाइजात्रा महोत्सवया लसताय यागु वातावरण विषय यागु चित्रकला धिंधिं बला कासाय न्हाप
२०५३।१।२।४	एमनेश्टी इन्टरनेशनल आयेजना यागु बाल अधिकार र नेपाली बालबालिका उपत्यकाव्यापीय चित्रकलाया धिंधिं बला कासाय ल्यु
२०५४।४।२४	वन तथा वातावरण भू-संरक्षण मन्त्रालय यागु राष्ट्रव्यापी भू-संरक्षणको महत्व विषय चित्रकला धिंधिं बला कासाय ल्युया ल्यु
२०५४।५।३	नेपाल टेलिभिजन बाल कार्यक्रमं यागु कूनै चाडपर्व मध्ये एक चित्रकला धिंधिं बला कासाय ल्युया ल्यु
२०५५।४।२५	नेक्रायुसंघ यागु धिंधिं बला कासाय गाइजात्रा महोत्सव २०५४ खे राजनैतिक विषय चित्रकला खे न्हाप
२०५४।६।२	अन्तराष्ट्रिय बाल अधिकार दिवसे बालमंच यागु आयोजित मेरो भविष्य माथि खेलवाड नगरस्तरिय चित्रकलामा न्हाप
०५।४।३।२७	अन्तराष्ट्रिय जनसंख्या दिवस जिल्ला शिक्षा कार्यालय भक्तपुर धिंधिं बला कासाय यागु चित्रकला खे राष्ट्रिय स्तरया प्रतियोगिताखे छनौट ।
२०५४।६।१५ गते	नेपाल संम्बत १९९६ या अवसरे कन्सर्न नेपाल काठमाण्डौ यागु काम गर्न पर्ने र पढन नपाएका बालबालिका विषयक चित्रकला धिंधिं बला कासाय खे न्हाप ।

खप नगरपालिकाया ज्या भवः त

नेमकिपाया नायो भाजु नारायणमान बिजुक्छै जु खप अस्पताल स्वः भालः



ज्यासनाय् मः धायोदिल ।
नेपाल मजदुर किसान पार्टीया छ्याञ्जे नपां प्रतिनिधि सभाया दुजः प्रेम सुवाल अस्पतालं भन अपः जनताया सेवा याय्ता फुक्क चिकित्सक व कर्मचारीपुं इमान्दारीपूर्वक ज्या सानय् मःगु नपां अस्पतालय् मः काथंया उपकरणत तय मगु सुभावा बियो दिल ।
नगर प्रमुख सुनिल प्रजापति जुं नगरबासीपिनिगु स्वास्थ्यता चव्यु तयो खप नगरपालिका पाखं न्ह्याक चवंगु

फागुन १

खपया ब्रम्हायणी चवंगु खप अस्पताल कोभिड युनिटया भवन नेपाल मजदुर किसान पार्टीया नायो भाजु नपां वरिष्ठ र जनीतिज्ञ नारायणमान बिजुक्छै (रोहित), नेमकिपाया छ्याञ्जे नपां संघीय सांसद प्रेम सुवाल व बागमती प्रदेशया दुजः सुरेन्द्र राज गोसाइँ जुं खप नगरपालिकापाखं न्ह्याक चवंगु खप अस्पताल आइतबार निरीक्षण याडः द्यगु खः । खपया च्याम्हासिंगले चवंगु खप अस्पतालया भवन दाडः चवंगुलिं कोभिड महामारीया इलय् खप अस्पताल कोभिड युनिट काथं न्ह्याकः तःगु उगु भवने खप अस्पतालया अन्तरंग सेवा न्ह्याकगु खः ।

अस्पताल स्वः भ्यायगु इवलय् नायो भाजु बिजुक्छै जुं स्थानीय तहता थःगु तुतिख्य दानय् फय्कः आत्मनिर्भर जुयो जनताया सेवा हज्याडः याय् मःगु संघीय व स्वायत्तताया बांलागु पक्ष जुई धायो दिल ।

वयकलं खप नगरपालिकाथें मेमेगु स्थानीय तहतयसं नं सरकारया भरय् जक मस्वसें थः के दःगु स्रोत -साधनं अस्पताल चाय्कः जनताया सेवा बिय फःसा केन्द्रीय व प्रदेश अस्पतालय् फय मफय्क दयो चवंपुं बिरामी त म्हवँ जुइगु खाँ काडः दिल ।

नायो भाजु बिजुक्छै जुं धायोदिल - अस्पतालय चिकित्सकपुं व मेपुं जनशक्ति नाइक खाँ ल्हाडः शिष्ट ब्यवहार याय् फःसा मथां लानिगु नपां जनताया गुनासो म्हवँ जुइगु खाँ ब्याक दिल ।

वयकलं खप अस्पताल चाय्के धुडानिं सरकारी व निजी अस्पताल नपां दाडः स्वयो मचः मगागु खाँत ज्वडः कुंखिय फःगुलिं थजगु खायँ अस्पतालया ब्यवस्थापक व प्रशासक सचेत जुयो

खप अस्पतालय् १०० गू शय्या दय्केगु कुतः याडः चवंगु व खप अस्पतालं न्हिं ५०० म्हा स्वयो अपः विरामीपिन्ता स्वास्थ्य उपचार सेवा ब्यु ब्यु वयो चवंगु खाँ ब्याकः दिल ।

खप अस्पतालय् ५ शय्याया आइ सी यू व २५ शय्याया एचडीयु नपां थौं निसें बिरामी भर्ना नं कःगु अस्पतालया स्रोतं धःगु दः । अः खप अस्पतालं इन्टरनल मेडिसिन, हाडजोर्नी, स्त्रीरोग, बाल रोग नाक-कान-घाँटी, छाला (छेगु) नपांया विशेषज्ञ सेवा बियो वयो चवंगु दः ।

खप अस्पतालं आ.व. २०७७/७८ य् ४० गू जिल्लाया १,१२०२२ म्हासिता स्वास्थ्य उपचार सेवा बिय धुंगु ल्या चा दःसा २०७८/७९ या खुला दुनयँ ८३, २३५ म्हा सिता सेवा बिय धुंगु दः ।

खप अस्पतालं जनताया स्वास्थ्य अपुकः उपचार काय दय्केगु मतिं काथं न्हिं ११ घौ ओपिडी सेवा बियो चवंगुलि सार्वजनिक विदा व वडाय् नं स्वास्थ्य केन्द्रत दय्कः नगरबासीपिन्ता गुली फता उली मथां स्वास्थ्य सेवा बियगु नीति काथं खप नगरपालिका वडा नं. २ ब्यासी, वडा नं. ५ भगवती स्थान व वडा नं १ सल्लाघारी आधारभूत स्वास्थ्य केन्द्र न्ह्याक सेवा बियो वयो चवंगुलि वडा नं. १० य् नं आधारभूत स्वास्थ्य केन्द्र भवन दाडः चवंगु अस्पताल स्रोतं धायो चवंगु दः ।

स्वभ्यायगु इवलय् खप नगरपालिकाया उप-प्रमुख रजनी जोशी, प्रमुख प्रशासकीय अधिकृत कृष्णा गिरी, ९ नं वडाया वडाध्यक्ष रबिन्द्र ज्याख्व, ७ नं वडाया वडाध्यक्ष उकेश कवां खप अस्पतालया डा. अमर प्रजापति, डा मजेश प्रताप मल्ल, अस्पतालया ब्यवस्थापक विश्वजीत प्रजापति खप नगरपालिकाया प्रशासकीय अधिकृत दामोदर सुवाल पुं नं भःगु खः ।



वागमती प्रदेशया मुख्यमन्त्री पाण्डे ख्वपय्

फागुन २

ख्वप नगरपालिकाया प्रमुख सुनिल प्रजापतिया ब्वनालय वागमती प्रदेशया मुख्य मन्त्री राजेन्द्र प्रसाद पाण्डे जुं सोमबार ख्वप नगरपालिकाया थी थी लागाय् भायो थानाया विकास स्वयो दिल । प्रमुख प्रजापति जुं ख्वप नगरपालिकासं मुख्य मन्त्री पाण्डेता स्वम्हू बियो, तकातपुली पुडुकः, खादा क्वखाय्कः लसकुस याड दिल ।

प्रमुख प्रजापति लसकुस याडः ग्वसः ग्वगु ज्या इवः सं न्वचुतयो दिसे मुख्य मन्त्री पाण्डे जुं ख्वप नगरपालिकापाखं न्ह्याकः च्वंगु ख्वप अस्पतालता १०० गू शय्याया अस्पताल चाय्केगु स्वीकृत याकेता, अस्पताल न्ह्याकय्गु व व्यवस्थापनया लागिं स्वास्थ्य उपकरण व सामग्रीत व्यवस्था याय्ता मः काथं ग्वाहाली याय्गु बचं बियो दिल ।

वागमती प्रदेशं समाजवाद उन्मुख अर्थ व्यवस्था दय्केता व वहेकाथंया ज्या इवःता हदाय तयो दुनयया उच्च शिक्षा समितिया विधेयकसं सार्वजनिक सम्पति व दृष्ट अन्तरगत विश्व विद्यालय चाय्के दःगु व्यवस्था न्ह्याकय् फौगु खाँ ब्याक दिल ।

वयकलं स्थानीय तहता अधिकारं जःगु काथं दय्के मःगु खाँ ब्याकसे वागमती प्रदेशं प्रदेशया तख्ते च्वंगु अस्पतालतय्ता १ अर्ब क्वतिया स्वास्थ्य सामग्रीत इड बियगु खाँ काडः दिल ।

वागमती प्रदेश दुनयया सामुदायिक ब्वनय्कुथि ब्वनिपुं मिसामस्त ब्वनामि पिन्ता च्वय थ्यंकः आखः ब्वंकय् बियता छात्रवृत्तियोजना ह्यागु खाँ ब्याकसे ख्वप नगरपालिकां शिक्षा, स्वास्थ्य व सम्पदा ल्यंकः म्वाकः तय्गु ज्याखय् च्वछायो दिसे ख्वप नगरपालिकाता थजगु ज्या या नितिं च्वछायो दिल ।

ज्या इवःसं ख्वप नगर प्रमुख प्रजापति जुं सांस्कृतिक सहर ख्वपया बः चा हाकलं म्हासिड्का पिब्वयो दिसे थानाया विशेषता नं

काडः दिल । नपां ख्वप नगरपालिकापाखं न्ह्याकः च्वंगु कलेजत व अस्पतालं बियो वयो च्वंगु सेवा सुविधाया खाँ नं काड दिल ।

वयकलं ख्वप अस्पताल १०० गू शय्याया दय्केता स्वीकृतिया लागिं मः काथं ग्वाहाली याड दियता मुख्य मन्त्रीता आग्रह याडः दिल । डाडः च्वंगु व त्यल च्वंगु ब्या स्वय्बलय् चिच्याहांगु ख्वप देता ज्ञान विज्ञानया केन्द्र व पर्यटकीय गन्तब्यस्थल दय्केगु पलाः ग्यसुलाक छियता ख्वप नगरपालिकां बः याडः वयो च्वंगु खाँ काड दिसे प्रमुख प्रजापति जुं ख्वप विश्व विद्यालय चाय्केता मः काथंया पूर्वाधारत दय्क च्वंगु खाँ काडः दिल ।

वयकलं ख्वप विश्व विद्यालयया सम्बन्धन बिलः धःसा दांकः भिपुं बांलापुं चिकित्सकत ब्वलांकः देता मःपुं जनशक्ति बियगु खाँ काडः दिल ।

वहे इवलय् वागमती प्रदेश सभाया दुजः सुरेन्द्र राज गोसाईं जुं मुख्यमन्त्री पाण्डे जू या भ्रमण तस्कं ग्यसुलाइगु व उपलब्धीमूलक जुइगु आशा यासे प्रदेश सरकारपाखं फःपुं (सबल) स्थानीय तहता विकास निर्माणया ज्याखय् ग्वाहाली याइगु विश्वास प्वंकः दिल ।

ज्या इवः सिधय्कः मुख्य मन्त्री राजेन्द्र प्रसाद पाण्डे जुं ख्वप नगरपालिकापाखं चाय्कः तःगु ख्वप मा.वि. ख्वप कलेज, ख्वप अस्पताल, श्वास प्रश्वास पुनः स्थापना केन्द्र, ख्वप इञ्जिनियरिड कलेज व ख्वप कलेज अफ इञ्जिनियरिडे भायो क्वथिड्क स्वयो दिल ।

चाहिल, स्वयगु इवलय् मुख्य मन्त्री पाण्डे जुं नगरपालिकापाखं चाय्कः तःगु कलेज व अस्पतालया विषय थी थी मनया खाँ (जिज्ञासा) तयो दिसे अस्पताल व कलेजपाखं बियो वयो च्वंगु सेवा सुविधाया खाँ थुडुकः दिल ।

वयकलं देशयाता मः काथं इञ्जिनियरत ब्वलांकेता कलेजं बः याय्मःगु खाँ ब्याकसे ख्वप नगरपालिकापाखं चाय्कः तःगु ख्वप सर्कल दुनयया कलेज च्वजा जां वयो च्वंगु तस्कं च्वछाय बहजु धायो दिल ।

वहे इवलय् नेमकिपा वागमती प्रदेशया मेम्हा सभासदपुं सुरेन्द्र राज गोसाईं व सिर्जना सैजु, ख्वप नगरपालिकाया उप-प्रमुख रजनी जोशी ख्वप नगरपालिकाया वडाध्यक्ष रविन्द्र ज्याख (९) प्रमुख प्रशासकीय अधिकृत कृष्ण गिरी पुं नं भःगु खः ।



ख्वप नगरपालिकाया हिंछकगु नगरसभा न्ह्यातः

माघ २६



ख्वप नगरपालिकाया प्रमुख नपां हिंछकगु नगर सभाया नायो भाजु सुनिल प्रजापतिया नायो सुई ख्वप नगरपालिकाया हिंछकगु नगर सभाया न्हांगु बैठक माघ २६ गते च्वन ।

बैठक न्ह्याकसे सभाया नायो प्रजापति जुं जनप्रतिनिधि कर्मचारी व स्थानीय जनता छप्पाछिज्यू ग्वाहाली भावनां ख्वप देया विकास याडः हज्याकः यंके फःगु खाँ ब्याकसे जनता नपां सतिकः वानय्गु ज्या याडं तुं च्वनय्मदकः, आग्रह याडः दिल । विचः व सिद्धान्त कस्सिक ज्वडः इमान्दारीपूर्वक जनताया सेवा याय्गु जनप्रतिनिधिपनिगु कर्तब्य खः धायो दिसे वयकलं सभासं सकल सभासदपिसं दुनुगलं निसें सक्रिय जुयो मन क्वसाय्कः ब्वति कायो दियता नं इनाप याड दिल ।

संसदीय निर्वाचने तीन प्रतिशत (सच्छीख्य स्वबव) ह्य मफःगु राजनीतिक दलतय्ता स्थानीय तह्या निर्वाचने दलीय हैसियतं चुनाव चिन्ह मबियगु निर्वाचन आयोगं जः ग्वयोच्चंगु खाँ सभासदपिन्ता सचेत यासे घोषणापत्र काथं ज्या मयागु फुक्क राजनैतिक दलतय्ता नं खारेज याय्मः धायोदिल ।

वयकलं नगरसभाया मेगु बैठक २०७८ माघ २७ गते च्वनय्गु खाँ नं ब्याक दिल ।

ख्वप नगरपालिकाया हिंछकगु नगर सभासं राष्ट्रघाती एमसीसी खारेज याय्मःगु माग

माघ २७

ख्वप नगरपालिकाया प्रमुख नपां हिंछकगु नगरसभाया नायो भाजु सुनिल प्रजापतिया नायो सुई च्वंगु बिहिवारया बैठके

नगर सभासदपिसं देशघाती एमसीसी खारेज याय मःगु माग यागु दः ।

सभाया नायो प्रजापति जुं नगर सभा बैचारिक छलफल व संघर्ष याय्गु थाय् जूगुलिं थौं या बैठके राष्ट्रघाती एमसीसीया विरोधय् थः थः गु बिचः प्वंक द्यूपुं सभासद् ज्यू पिन्ता थःगु सांस्कृतिक व बौद्धिक स्तर अजनं च्वजाय्केता तातु ताड अध्ययन व अनुसन्धान याय्ता कुलः दिल ।

राजनीतिक दल आस्था व बिचः या लिधंसाय् निः स्वा निगुलिं नेपाल मजदुर किसान पार्टीया बिचः निः स्वांसां निसें थौं तक पाय्छी जु जुं वयो च्वंगु खाँ ब्याकसे अः राजनीतिक प्रतिनिधित्व याडः च्वंगु पार्टी चिच्याहांसां लिपा थुकिया बिचःलं त्याकिगु पक्का खः धायो दिल ।

एमसीसीया खाँ अः या प्रधानमन्त्री व सत्तागठबन्धनया माओवादी नेता पुष्पकमल दाहालं प्यला हाँ हे पिब्वगु थी थी पाःगु बिचः मध्ये अः प्र.म. देउवां धः थें मिलय्जुयो सहमतिख्य हे पौ च्वयागु धात्थें खःगु धाय्गु खाँ सियदःगु लिं नेता दाहालं जनताता मिखा पिड्कः मखुगु खाँ ल्हागु प्रमाणित जु धायो दिल ।

सभाया विशेष इलय् न्वचु तय् दिसे सभासद राजेन्द्र माकजु राष्ट्रघाती एमसीसीया विरोध याय मःगु खाँ कुलदिसे एमसीसी पारित जूसा नेपः देया भौतिक सम्पतिसं अमेरिकाया लाहाजक जुड्गु खतरा काडः दिल ।

सभासद छोरीमैयां सुजखुं नेमकिपां नेपः देया सार्वभौम सत्ता ल्यंकः म्वाकः तय्या लागिं भारतीय एकाधिकार पुँजी व अमेरिकी साम्राज्यवादया मेपिन्ता क्वत्यलः छ्वड्गु अत्याचारया विरोधय् जनताता ग्वाकः छप्पाछि याडः वयो च्वंगु खाँ ब्याकः दिल ।

अथे हे सभासद तुल्सीलक्ष्मी दुमरं देया शासक दल व अमिपुं नेता तय्गु सत्ताय् प्यपुड च्वनय्गु स्वार्थ विदेशी शाक्तिया हःनयें तुतिपाली भ्वपुयो जुयगु बानीं देया स्वतन्त्रता व सार्वभौमिकता खतराय् लाडः च्वंगु खाँ ब्याक दिल ।

सभासद पूर्ण गोपाल राजचलं एमसीसीया विरोधय् नेमकिपां न्हपानिसें हे सः थ्वय्कः वयो च्वंगु खाँ कुलदिसे एमसीसीया नामयें वैगु अमेरिकी अनुदान कायो च्वंगु छगू नं दे या आर्थिक अवस्था च्वन्ह्याय् मफःगु खाँ ध्वाथुड्कः दिल ।

सभासं सभासद रञ्जना त्वातीं नगरे माकपिक चाय्गु जः थें उख्य ला थुख्यला मदय्क प्यडः तः गु तारया ब्यवस्थापन



व त्वनय्गु नाः या बांलाक ब्यवस्था याय् मः धायो दिल ।

वहे इवल्य् सभासदपुं शिव प्रसाद बाला, जितेन्द्र मुनकःमि, सुर्य प्रसाद श्रेष्ठ, बलराम न्हिसुतु व गोविन्द दुवालं एमसीसी सं.रा. अमेरिकी साम्राज्यवादया हिन्द-प्रशान्त सैन्य रणनीतिया छगू अंग जूगुलिं तत्काल खारेज यायमःगु नेपः या सरकारं श्री लङ्कापाखं सय्कः मथां हे एमसीसी सम्भौता खारेज यायमःगु शासक दलया नेतातय्गु च्यो बुद्धियाडः नेपःदेता मिलय् मजु काथं दबाब बियो च्वंगु खॉत तयो दिल ।

बैठकं २०७८/७९ या साउन १ गते निसें २०७८ माघ मसान्त तकया कार्यपालिका बैठक निर्णय, थी थी समिति उप-समितिया निर्णय, प्रमुख-उपप्रमुख व प्रमुख प्रशासकीय अधिकृत तहं जूगु फुक्क क्वः छ्यगु (निर्णय) खॉत, आदेश व काम कारवाही सभां अनुमोदन याय्गु निर्णय सर्वसम्मतिं पारित याता ।

नगर सभाया मेगु बैठक २०७८ फागुन ३ गते मंगलबार चवनय्गु याडः दिक्ु यात ।

नगरसभा चालु

फागुन ३

ख्वप नगरपालिकाया प्रमुख सुनिल प्रजापति जूया नायोसुई च्वंगु सभाया बैठक फागुन ३ गते मंगलबार नं न्हयात ।

थौं च्वंगु सभाया बैठकं आ.व. २०७८/७९ या बजेट रकमान्तरणया प्रस्ताव छप्वाम्हतुं (सर्वसम्म तिं) पारित यात । आ. व. २०७८/७९ या बजेटया पुँजीगत पाख्य् थी थी खुगू शीर्षकय् १ करोड २५ लाख तका दां व चालु पाख्य् थी थी प्यंगू शीर्षकय् ३५ लाख तका दां रकमान्तरण (मेगुलि हिड्कः छ्वगु) यागु दः ।

थौं या सभाया बैठके ख्वप नगरपालिकापाखं निःस्वांगु खानेपानी समितिया कजि महेन्द्र खायमली, युवा तथा खेलकुद

चय्गूगु स्वप पौ. बःछि पौ(पाक्षिक)

समितिया कजि श्याम कृष्ण खत्री, कृषि समिति व बजार अनुगमन समितिया कजि राजकृष्ण गोरा, महिला बाल बालिका समाजकल्याण समितिया कजि रोशन मैयाँ सुवाल, सूचीकरण समितिया कजि हरिराम सुवाल व निर्माण समितिया कजि उकेश कवां जुपिसं स्वापु दःगु समितिया अर्धवार्षिक (खुला) प्रगति प्रतिवेदन पिठवयो दिल ।

सभाया मेगु बैठक फागुन ५ गते १ बजे चवनय्गु याडः दिक्ु यात ।

विपद पीडितता राहत निर्देशिका २०७८ पारित फागुन ५

ख्वप नगरपालिकाया प्रमुख नपां एघारौं नगरसभाया नायो भाजु सुनिल प्रजापतिया नायो सुई च्वंगु फागुन ५ गतेया हिँछकगु नगरसभाया बैठकं 'भक्तपुर नगरपालिका विपद् पीडितता राहत निर्देशिका २०७८ छप्वाम्हतुं (सर्वसम्मतिं) पारित यात ।

ख्वप नगरपालिकां ख्वप नगर दुनयँ बस्ती याडः च्वडः च्वंपुं नगरबासीपिन्ता प्राकृतिक वा मनुखं दुस्वकिगु विपदं याडः वैगु मानवीय व धनसम्पति स्यडः क्षति जूपिन्ता राहत (ग्वाहाली) याय्गु उद्देश्यं उगु निर्देशिका हःगु खः ।

उगु निर्देशिकासं विपद् पीडित परिवारता विपदं यागु नोक्सान स्वयो भौतिक व मानवीय क्षति व अंग भंग जसा नोक्सानया अवस्था स्वयो अपः ख्य् १ लाख तका तक राहत बिय फँगु व पीडित परिवारता प्रमुखं क्षति स्वयो २५,००० तका दां तक बिय फँगु ब्यवस्था यागु दः ।

स्वास्थ्यया खायँ सभासदपिसं न्यंगु खायँ लिसः बियो दिसे सभाया नायो प्रजापति जुं ख्वप अस्पतालता १०० गू शय्या दःगु अस्पतालया स्वीकृति बिड्केता मः काथं कुतः याडः च्वंगु व ख्वप अस्पतालं जनताता दुग्यंगु (स्तरिय) स्वास्थ्य सेवा बियगु उद्देश्यकाथं हज्याडः च्वंगु खॉ काडः दिल ।



चवंगूगु स्वप पौ. बःछि पौ(पाक्षिक)

वयकलं खवप अस्पतालं अंतरंग सेवा न्ह्याकय् धुंगु खॉ ब्याकसे अस्पतालं दांकः बांलागु स्वास्थ्य सुविधा वियगु खॉ काडः दिल ।

थौ चवंगु विशेष ई या बैठकय् सभासदपुं राजेन्द्र माक, सूर्य प्रसाद श्रेष्ठ, कृष्ण गोपाल चौगुठी, गड्गा लक्ष्मी बमनु, रत्न काजी नायभारी, श्याम सुन्दर मातां, पूर्ण गोपाल राजचल, ज्ञानकुमार मगजु, हेरा ख्याजु, शिव प्रसाद बाला, जितेन्द्र मुनंकः मि व गोविन्द्र दुवाल जु पिसं देशघाती एमसीसी सम्भौता नेपः दे व नेपः मि पिन्ता भिं मयाइगुलिं खारेज याय्मःगु, वडा निरीक्षकपुं जिम्मेवारी काथं ज्या सानय्मःगु, स्यंगु लॉ यँ सिथय् चवंगु विजुली मता मथां ल्हवनय् मःगु, खुसी भिकय्गुलि विशेष ध्यान तय्मःगु, खवप नगरता विइगु देशी सः या कोटा मचःगुलि तानयमःगु, न्हँगु बस्ती त्वनय्गु नाः या बांलागु ब्यवस्था यायमःगु, अनुदातया कृषि सामग्री कृषकपिसं काय् खानिगु याडः ह्यता नगरपालिकां कुतः याय् मःगु, देको मिबा इतापाके जग्गा एकीकरण आयोजना मथां क्वचाय्के मःगु, स्वीकृति मकः सें चाय्कः तःगु बहुउद्देश्यीय सहकारी संस्थातय्ता कानुनया दुनय् ह्य मःगु त्वनय्गु नाः अपः गथे ह्य फैं धाय्गु विचः याय् मःगु हनुमन्ते खुसी सफाइया ज्या याडं तुं वानय् मःगु कर्मचारीया वृत्ति विकासे ध्यान तयमःगु खॉत पिब्वगु खः ।

विशेष इलय् प्याहाँ वगु खॉ खय् सहकारी समितिया कजि हरि प्रसाद बासुकला, खानेपानी समितिया महेन्द्र खायमली, कृषि समितिया कजिराजकृष्ण गोरा, निर्माण समितिया कजि उकेश कवां, शिक्षा समितिया दुजः रविन्द्र ज्याखव पिसं थः थः गु विषयसं प्रस्ट याडः द्यगु खः ।

बैठकसं लेखा समितिया कजि हरिप्रसाद बासुकलां खवप नगरपालिकाया लेखा समितिया प्रतिवेदन पिब्वयो द्यगु खः ।

नगरसभाया मेगु बैठक फागुन ९ गते न्हिनय् सिया १:०० ताइलय् चवनय्गु याडः दिक्ु यात ।

लेखा समितिया प्रतिवेदन २०७८ पारित

फागुन ९

खवप नगरपालिकाया प्रमुख नपां हिँछकगू नगर सभाया नायो सुनिल प्रजापति जुया नायो सुई चवंगु हिँछकगु नगरसभाया बैठकं खवप नगरपालिकाया लेखा समितिया प्रतिवेदन २०७८ (सर्वसम्मतिं) छप्वा म्हतुं पारित यात ।

सभासं न्वचु तयो दिसें नगर प्रमुख प्रजापति जुं नगर सभाया हिउँदे अधिवेशन ऐन, नियम, कार्यविधि व विधेयक पास याय्गु खॉ ब्याकसे बेरजु फर्स्योटया नितिं खवप नगरपालिका



नियम संगत काथं हज्याकुशलः चवंगु खॉ काकुशलः दिल । लेखापरीक्षण इलय् हे मयागुलिं स्थानीय तहया बदनाम जुयो चवंगु खॉ नं वयकलं काडः दिल ।

लेखा समितिया प्रतिवेदनय् जूगु छलफले ब्वति कायो दिसे सभासदपुं राजेन्द्र माक, शिवप्रसाद बाला व कृष्ण गोपाल चौगुथि पिसं प्रतिवेदन भाय् मिलय् मजुथाय् ल्हवनय् मःगु पेशकी खर्च व बेरजु इलय् हे फर्स्योट याय मःगु विचः प्वंकः दिल । छलफल्य न्यंगु न्ह्यसः या लिसः बिसे लेखासमितिया कजि हरिप्रसाद बासुकलां जुं बेरजु धेबाया खॉ ब्याकसे लगत इष्टमेट स्वयो पाः सा प्राविधिक पिनि पाखं परीक्षण याकय् मःगु पेशकी खर्च इलय् हे फर्स्योट याय मःगु खॉ काडः दिल ।

सभाया मेगु बैठक २०७८ फागुन १० गते न्हिनय् सिया १:०० ताइलय् चवनय्गु याडः दिक्ु यात ।

नगरसभा ववचाल

फागुन १०

२०७८ माघ २६ गते न्ह्याकगु खवप नगरपालिकाया हिँछकगु नगरसभा फागुन १० गते मंगलबार ववचाल । खवप





चयगूगु स्वप पौ, बःछि पौ(पाक्षिक)

नगरपालिकाया १ प्रमुख सुनिल प्रजापतिया नायो सुइ च्वंगु उगु बैठकं ख्वप नगरपालिकाया शिक्षा ऐन २०७४ ता (ल्वनयूता) संशोधन यायूता दयूकगु विधेयक ख्वप नगरपालिकाया छुं छुं विनियमत (हिलयूगु) संशोधन यायूता दकयूगु विधेयकत छप्वा म्हतुं (सर्वसम्मति) पारित यात ।

सभासं नगर प्रमुख प्रजापति जुं ख्वप नगरपालिकां शिक्षा स्वास्थ्य, सम्पदा ल्यंकः म्वाकः तयूता सुचुकुचु नपां थी थी लागाय जुयो च्वंगु ज्या इवः त जनताता गुलि फता उलि मथां थुइकः ग्वाहयूता सूचना प्रवाह यायूता सञ्चार माध्यमया ग्यसुलागु भूमिका दै धायो दिसे ख्वप नगरपालिकाया जनप्रतिनिधिपिसं जनताता बियागु बचं पूवांकः भ्नीगु कार्यकाल तः लागु खाँ ब्याकसे सम्पदा ल्वनयू -कानयू व दानयूगु ज्या इवःसं च्वः जःगु खाँ काड दिल ।

थौ या राजनीतिक परिस्थितियाड देशयू राजनैतिक सडुकट जुय फःगु खायँ सचेत यासे प्रमुख प्रजापति जुं जनप्रतिनिधिपिसं न्ह्याथिन्योगु पंगः त वसां हाचां गायो देश व जनताया सेवा यायूता कल दिल ।

सभाया विशेष इलयू सभासदपुं सिद्धिराम अवाल, बलराम न्हिसुतु शिव बाला, श्याम सुन्दर मतां, सुरेन्द्र माक, सुर्य प्रसाद श्रेष्ठ, जितेन्द्र मुनकःमि, गोविन्द्र दुवालपिसं समसामयिक विषयलयू

थः थः गु बिचः प्वंकः दिसे ख्वपया भगवतीस्थाने बस्मा नपांया फार्मसी सेवा (वासः पसः) चायूके मःगु तः माही व लायूकुली फोहर मुनयूगु डस्टबीन तय मःगु, स्वास्थ्य बिमा ज्या इवः ख्वप देशयू बांलागुलिं नगर स्वास्थ्य बिमा चायूके मःगु ख्वप अस्पतालयू सेवा सुविधात ताँ ताँ वानयू मःगु ख्वप अस्पतालयू ज्या सानिपुं कर्मचारीपिनिगु व्यवहारयू बांलाकयू बिय मःगु, देको -मिवा- इतापाके आवास योजनाया ज्या मथां क्वचायूके मःगु, हनुमन्ते खुसी सफायायूगु ज्या मदिकक याडः च्वनयू मःगु खाँत प्वंक द्यूगु खः ।

सभासं देको-मिवा इटापाके आवासया खाँ न्हि थांगुलि वडा नं २ या वडाध्यक्ष हरिप्रसाद बासुकला जुं आवास योजनाया पुर्जा मथां इड बियगु कुतः जुयो च्वंगु, खानोपानी समितिया कजि महेन्द्र खायमलीं त्वनयूगु नाः या समस्या ज्यंकयूता केयूकेएल नपां मदिकक नपालाडः खाँ जुयो च्वंगु व शिक्षा, संस्कृति व स्वास्थ्य समितिया दुजः रविन ज्याख्वा जुं शिशु स्याहार केन्द्रया भवन बांलाक यंकेगु भगवती स्थानयू च्वंगु जनस्वास्थ्य केन्द्रे फार्मसी सेवा चायूकेता कुतः यायूगु, ख्वप अस्पतालयू मेमेगु सेवा नं ताड यंकेगु खाँ काडः दिल ।

नपां सभायू जूगु फुक्क ज्याइवः या बः चा काकलं प्रतिवेदन वयकलं वडः न्यंकः दिल ।

तहां ब्यासीया छ्वासः फल्वा उलेज्या

फागुन ७

ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं. २ तहां ब्यासी च्वंगु छ्वासः फल्वा शनिबार छगू ज्याइवः यासे उलेज्या याडः दिल ।

ज्या इवः सं नगर प्रमुख प्रजापति जुं ख्वप नगरपालिकां जनताया सेवा यायूगु भावना ज्वडः जनतायायूहे साथ व ग्वाहालीं विकास निर्माणया ज्या हज्याक वयो च्वंगु खाँ ब्याकसे ख्वपदेया थःगु हे मौलिक संरचनात म्वाकः तयगुलि हज्याडः च्वंगु खाँ काड दिल ।

ख्वप नगरपालिकां चायूकः तःगु ख्वप बहुप्राविधिक अध्ययन संस्थानता १०० गू शय्याया अस्पताल मरुगु धायो शिक्षा मन्त्रालयं नर्सिडे भर्ना याकयू मब्यूगु केन्द्र सरकारया जनविरोधी ज्या खः धायो दिसे वयकलं ख्वप अस्पतालयू बांलागु अंतरंग सेवा चायूके धुंगु, जेष्ठ नागरिक पिनिगु लागिं आदर निकेतन या भवन' दाडः च्वंगु, वडा वडायू मदिकक स्वास्थ्य शिविर त तं वयो च्वंगु, छँ छँ नर्सिड सेवा बियो वयो च्वंगु खाँ ब्याक दिल ।

भ्नीसं विदेशी तयूके लाहा फयो सम्पदात दयूकः



लयूतायूगु स्वयो थःगु हे पौरखं सम्पदा ल्वडः म्वाक तयगुलि गर्व यायूगु खाँ काडः दिसे वयकलं नेपःया सार्वभौमिकता, स्वाधीनता व स्वतन्त्रतायू हे घः लाइगु राष्ट्रिय हित मजुइगु व परराष्ट्र नीतिया अखःगु एमसीसी सम्भौता तुरुन्त खारेज याकेता नेमकिपां खबरदारी जुलुस व सभात याड वयो च्वंगु खाँ काडः दिल ।

चयगूगु स्वप पौ. बःछि पौ(पाक्षिक)

ज्या इवःसं ख्वप नगरपालिका वडा नं. २ या वडाध्यक्ष हरिप्रसाद बासुकला जुं वडापाखं याडः वयो च्वंगु थी थी ज्या इवः या खाँ ब्याकसे देको मिबा इतापाके आवास योजना मथां क्वचाइगु खाँ काडः दिल ।

शिक्षा सेवी बालमुकुन्द बासुकला जुं ख्वपया शैक्षिक लागा थाकाय्गु ज्याख्य नेमकिपां याडः वगु ज्या या खाँ काडः दिसे ख्वप नगरपालिकां ख्वपया मुर्त व अमूर्त सम्पदात ल्यंकः म्वाकः तय्ता साडः वगु ज्या च्वछाय् बहगु खः धायो दिल ।

छ्वासः फल्चा उपभोक्ता समितिया नायो सत्य नारायण बासुकलां २०७८ बैशाख २० गते निसें दानयगु ज्या न्ह्याकगु फल्चा १४ लाख ८ हजार ३४७ तका दांया आर्थिक लागते दानय् धुंकगु खाँ काडः दिल ।

ज्या इवः सं नेमकिपा वडा नं. २ या इन्चार्ज गणेश प्रसाद सुवाल, जनप्रतिनिधि श्याम सुन्दर मातां, ने.क्रा. महिला संघ २ वडाया नकी बबी मैयाँ लघु व २ वडाया राजकुमार लघु नं न्वचु तयो द्यगु खः ।

‘एमसीसी सम्भौता अनुदान मखु लगानी खः’ सांसद प्रेम सुवाल

जनसाहित्य समाज टोखाया ग्वसालय् टोखाया थने लाछि जगु १५ कगु नेपाल भाषा साहित्य तः मुंज्या सं नेपाल मजदुर किसान पार्टीया छ्याञ्जेनपां सांसद प्रेम सुवाल जुं मू पाहाँया भाला कुबियो एमसीसी परियोजना अनुदान मखु थःगु स्वार्थ पू वांकय्ता हःगु खः धायोदिसे एमसीसी सम्भौता साम्राज्यवादी दे अमेरिकाया सैन्य मोर्चाया अड्गु जगुलिं थुकिया समर्थन याडपुं प्रतिगामी व देशद्रोही, विरोधयाडपुं देशभक्त व प्रगतिशील खः धायो दिल नपां नेमकिपां देशय् माथां वांक विकास याय्या लागिं सः ततं वयो च्वंगु खाँ ब्याकसे कालापानीया भारतीय सेना तय्मते धाय्मफूगुलिं महाकाली खुसी त्यलः तटबन्ध द्यकगु खाँ नं काडः दिल ।

विदेशी तय्के लाहा मफः सें सम्पदा ल्यंकः म्वाकः तय्गु ज्या याडः वयो च्वंगु खाँ ब्याक दिल ।

नेमकिपाया केन्द्रीय दुजः नारायण महर्जनं एमसीसी सम्भौताय् सही याइपिन्ता आमुलिं त्याकय् बिय मज्यगु, उगु सम्भौता पारित मयाकय्ता वानेश्वरे देशभक्त नेपः म्पिसं धर्ना बियो च्वंगु खाँ ब्याकदिल ।

अथेहे मेम्हा केन्द्रीय दुजः नपां प्रदेश सभासद सुरेन्द्र राज गोसाईं जुं देशय् ज्या साडः नैपुं ज्यापु-ज्यामिया धात्थेगु प्रजातन्त्र अजनं मवगुलिं संघर्ष यायां वानय् मः धायो दिल ।

ज्या इवःसं जनकवि चन्द्रबहादुर उलक, सजीव श्रेष्ठ, शिव प्रसाद सापकोटा नपां लोक ह्वापुं साहित्यिक भाजु मय्जुपुं नपां साहित्य च्वमि पिसं थःगु च्वसु ब्वडः न्यंकगु खः । ज्या इवःसं जनसाहित्य समाज टोखाया नायो भाजु काशिलाल डंगोल जूया नायोसुई जगु उगु सभासं ई. राज दास श्रेष्ठ जुं नं न्वचु तयो द्यगु खः ।

त्वालयया थाकाली तेज बहादुर डंगोल जुं उलेज्या यागु उगु ज्या इवःसं टोखा नगरसमितिया नायो रबिन्द्र डंगोल, मिर्मिरे साकोस टोखाया नायो कृष्ण मान श्रेष्ठ, नाटेश्वर साकोस टोखाया नायो बाबुकाजी डंगोल, गणेश ई.स्कुल टोखाया प्रिन्सिपल विशोक डंगोल व बाल विकास क्लव टोखाया नायो विश्वास डंगोलं नं थःगु न्वचु तयो द्यगु खः ।



नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं एमसीसी सम्भौता देशघाती व देशभक्तया दश्वीया ल्वापु खः । धायो दिसे एमसीसी सम्भौता पारित जूसा नेपः अमेरिकाया औपनिवेशिक देश जुइगु खतरा प्वंकसे नेमकिपां उगु सम्भौता खारेज याकेता मदिव्क संघर्ष याडः वयो च्वंगु

तः मुंज्याया दश्वी दश्वी नेवः भाय्, खय् भाय्, सायँ भायया प्रगतिशील म्येँ व प्याखं पिब्वगु खः । तः मुंज्याया धिंधिं बल्ला सं साहित्य पाखय् रमेश महर्जनया चिनाखं न्हाप, प्रेम के. तिडरया चिनाखं हपा संगम डंगोलया मचाचिनाखं नं हःपा सिरपा त्याकय्ता तः लागु खः ।



एमसीसी सम्झौता विरुद्ध नेमकिपाया प्रदर्शन

फागुन ४



एमसीसी सम्झौता संसदे बुधवार पिब्वइगु (टेबुल याइगु) गाइंगुई खाँ न्यनयँ दः सेलिं नेपाल मजदुर किसान पार्टी नेपः या राजधानीसं विरोध प्रदर्शन यात । कोटेश्वर चोक न्ह्याकगु उगु विरोध जुलुस नयाँ वानेश्वर थंयक धर्ना व विरोध सभा यात । संसदे बैठक न्ह्याक च्वंगु इलय् पिनय् नेमकिपाया नेता-कार्यकर्ता नपां दलदल सर्वसाधारण जनतां एमसीसी संसदे पिमब्वयूता (चेतावनी) खबरदारी यासे नाराबाजी याडः च्वंगु खः ।

विरोध प्रदर्शनीसं नेमकिपाया छ्याञ्जे नपां संघीय सांसद प्रेम सुवाल, नेमकिपा केन्द्रीय दुजः डिल्ली प्रसाद काफ्ले, बागमती प्रदेश सभाया दुजः सृजना सैजु, पार्टीया केन्द्रीय दुजः राजवीर डंगोल, बैकल्पिक केन्द्रीय दुजः राजेन्द्र चवाल, विद्यार्थी नेतात प्रकाश गुरुड, सुरेश परियार व युवा नेता मिनबहादुर बाटां नं न्वचु तयो द्यगु खः ।

फागुन ८

देशभक्त नेपःमि पिसं तः च्वक विरोध याड च्वकं च्वकं प्रतिनिधिसभा आइतबारया बैठके सरकार व अमेरिकी सहयोग निकाय मिलेनियम च्यालेन्स कर्पोरेन्शन (एमसीसी) या दशवी जगू अनुदान सहायताया सम्झौता पेश यागु दः ।

देशघाती एमसीसी सम्झौता खारेज याकेया नितिं नेपाल मजदुर किसान पार्टीया गवसालय् कोटेश्वरं न्ह्याकगु विरोध प्रदर्शन संविधान सभाभवन वानेश्वर थंयक जनसभा यागु खः ।

सभासं नेमकिपाया छ्याञ्जे नपां संघीय सांसद प्रेम सुवाल जुं प्र.म. शेरबहादुर देउवा, नेकपा माओवादीया नायो प्रचण्ड व

एकिकृत समाजवादीया नेता माधव कुमार नेपाल अमेरिकां ब्यूगु धम्की ग्याडः एमसीसी सम्झौता संसदे पेश यागु खः धायो दिल ।

वयकलं प्रचण्ड व माधव नेपालं एमसीसी पास याकेता हे शेरबहादुर देउवाता प्र.म. यागु खः धायोदिसे एमसीसी सम्झौताता जनतां जक पानय् फैगु खाँ काड दिसे सकल मतदाता दाजुकिजा तताकेहँपिसं थः थः मनं त्याक हयापुं सांसद पित्ता एमसीसीया विरोधय् दानयूता दवाव वियमःगु सल्लाह बियो दिल ।

एमसीसीया पालिडः जूपुं राजनीतिक दलया कार्यकर्ता तयसं थःथः पुं नेतातयगु छँ छँ घेरा बियमः धायोदिसे एमसीसी याइगु खर्च अमेरिकी स्वार्थया नितिं खः नेपः मि पिनगु भिया लागिं मखु धायोदिल ।

सभासं नेमकिपाया केन्द्रीय दुज नपां ख्वप नगरपालिकाया प्रमुख सुनिल प्रजापति जुं शासक दलत देश संकटे लाडः च्वंगु इलय् सत्तामोह लय् च्वनय् मज्यु धायोदिसे पार्टीं थी थी राजनीतिक दलत नपां छलफल याडागु खाँ ब्याकसे दे संकष्टे लाडः च्वंगु इलय् म्हुतु प्वः तिडः च्वम्हा एमाले गुलि लज्या मरुम्हा धायुगु छगू दसु खः धायो दिल । एमसीसी सम्झौता लागू जूसा संविधानय् च्वयो तःगु समाजवाद उन्मुख संविधान या थासय् दे नवउदारवादी अर्थनीति खय् हज्याइगु खाँ वयकं कुल दिल । उकिं प्रजातन्त्र ल्यकः तयूता संविधान सुरक्षित याडः तयूता एमसीसी सम्झौता खारेज याय्मः प्रमुख प्रजापति जुं धायो दिल । ज्या इवःसं नेमकिपाया केन्द्रीय दुजः नपां नेपाल क्रान्तिकारी किसान संघया नायो भाजु दिडिल्ली प्रसाद काफ्ले जुं जनतां देया सेवा यायूता शासक दलता त्याकः छ्वगु खः । निजीकरण याकेता, येँ छँ दयकयूता मखु धायो दिल ।

मेम्हा केन्द्रीय दुज सनकमान श्रेष्ठ जुं एमसीसी सम्झौताया दस्तावेजे हे व अमेरिकी स्वार्थया नितिं हःगु धायो च्वयो तःगु खाँ काडः दिल । शासकपिसं सम्झौताखय् देशघाती च्वयो तःगु मरुजक लज्या तपुयो मखुगु खाँ ल्हागुलिं वयकलं कुखिडः दिल । अथेहे पार्टीया केन्द्रीय दुज कृष्ण कुमार वैद्य एमसीसी पास जूसा नेपालं दुःख सिइगु खाँ काडः दिल ।

ज्या इवःसं मुना तामाडं न्ह्याक्वहे दःगु धेबा जूसां उकिता देया सार्वभौमिकता स्वयो च्वय तय मफैगु खाँ काडः दिलसा ने.क्रा. वि.सं १३ कगू राष्ट्रिय सम्मेलन तयारी समितिया कजि प्रकाश गुरुडं ब्वनामिपुं देशघाती एमसीसीया विरुद्धे जुलुस वैगु स्वाभाविक खः धायो दिलसा नेक्राविसं १३ कगू राष्ट्रिय सम्मेलन तयारी समितिया छ्याञ्जे रमेश प्रजापति नं न्वचु तयो द्यगु खः ।